



婦人良方

四

特別  
64  
231  
4

明武宗  
卷 231  
卷 4

三刻太醫院補註婦人良方大全卷之十

胎教門

求嗣已明須知胎教故以次之

○姪娠總論第一

巢氏病源論姪娠一月名胎胚足厥陰脉養之二月名始膏足少陽脉養之三月名始胎手心主脉養之當此之時血不流行形象始化未有定儀因感而變欲子端正莊嚴常口談正言身行正事欲生男宜佩弦執弓矢欲生女宜佩常施環珮欲子美好宜佩白玉欲子賢能宜看詩書是謂外象而內感者也四月始受水精以成其血脉手少陽脉養之五月始受火精以成其氣足太陰脉養之六月始受金精以成其筋足陽明脉養之七月始受木精以成其骨手太陰脉養



之八月始受土精以成膚革手陽明脉養之九月始受石精以成毛  
 髮足少陰脉養之十月五臟六腑關節人神皆備此其大畧也又五  
 臟論有稱者一作養論一月如珠露二月如桃花三月男女分四月形  
 象具五月筋骨成六月毛髮生七月遊其魂兒能動左手八月遊其  
 魄兒能動右手九月三動身十月受氣足更有顛顛經云一月為胎  
 胞精血凝也二月為胎形成胎也三月陽神為三魂四月陰靈為七  
 魄五月五行分五臟也六月六律定六腑也七月精開竅通光明也  
 八月元神具降真靈也九月宮室羅布以定生人也十月受氣足萬  
 象成也今推究數說五臟論者類皆淺鄙妄托其名至於三藏佛書  
 且滋恍惚証漫不可考今按顛顛經三卷云中古誣方所撰其巢氏論  
 妊娠至三月始胎之時欲談正言行正事佩弦常執方矢施環佩佩

脉

白玉讀詩書之類豈非胎教之理乎嘗試推巢氏所論云妊娠脉養  
 之理若厥陰肝脉也足少陽膽脉也為一臟腑之經餘皆如此且四  
 時之令必始於春木故十二經之養始於肝所以養胎在一月二月  
 手心主心胞絡脉也手少陽三焦脉也屬火而夏旺所以養胎在三  
 月四月手少陰手太陽乃心脉也以君主之官無為而尊也足太陰  
 脾脉也足陽明胃脉也屬土而旺長夏所以養胎在五月六月手太  
 陰肺脉也手陽明太陽脉也屬金而旺秋所以養胎在七月八月足  
 少陰腎脉也屬木而旺冬所以養胎在九月又况母之腎臟繫於胎  
 是母之真氣子之所賴也至十月兒於母腹之中受足諸臟氣脉所  
 養然後待時而生此論奧微而有至理世更有明之者亦未有過於  
 巢氏之論矣余因述其說

言補女  
一  
○受形論第二

娠于昂姓娠也故以後  
受形名篇并附其論

巢氏論曰陽施陰化精氣有餘兩胎有俱男俱女者道藏經云婦人月信止後一日三日五日值男女旺相日陽日陽時交合有孕多男若男女稟受皆壯則男子一或怯弱則少子顛顛經云陽盛發陰當孕成男六脉諸經皆舉其陰又云三陽所會則生男三陰所會則生女膏仙翁肘後方云男從父氣女從母氣聖濟經云天之德地之氣陰陽之至和薄於一體四氣而左動則屬陽陽資之則成男因氣而右動則屬陰陰資之則成女易稱乾道成男坤道成女此男女之別也凡妊娠有疾接以湯藥衰其大半而已使病去母安胎亦無損矣愚按東垣丹溪云經水斷後一二日血海始淨精勝其血感者成男四五日後血脉已旺精不勝血感者成女蓋父精母血因感而

會精之施也血能攝精故成子此萬物始資於乾元也血之行也精不能攝故成女此萬物資生於坤元也陰陽交媾胚胎始凝所藏之處名曰子宮一系在下上有兩岐一達於左一達於右精勝其血則陽爲之主受氣於左子宮而男形成精不勝血則陰爲之主受氣於右子宮而女形成此二先生之確論也若夫妊娠藥餌宜禁當參本門考之

○受形篇第三

褚氏云男女之合二精交暢陰血先至陽精後衝血開裹精精入爲骨而男形成矣陽精先入陰血後參精開裹血入爲本而女形成矣陽氣聚面故男子面重溺死者必伏陰氣聚背故女子背重溺死者必仰走獸溺死仰伏皆然陰陽均至非男非女之身精血散分駢

胎品胎之兆父少母老產女必羸母壯父衰生男必弱古之良工首  
察乎此氣受偏瘁與之補之補羸女則養血壯脾補弱男則壯脾節  
色羸女宜及時而嫁弱男宜待壯而婚此疾外所務之本不可不察

○論胎教第四

馬益卿先生

論曰胎教產圖之書不可謂之迂而不知信然亦不可狎犯之方今  
俚俗之家與不正之屬將息避忌畧不如儀或藥毒不消或產於風  
露無產厄而子母均安者亦倖有之若保胎之法須多方豫養方無  
後患如隣家有所興修亦或犯其胎氣令兒破形殞命如刀犯者形  
必傷泥犯者竅必塞打擊者色青黯繫縛者相拘掌如此等驗有如  
指掌不可不慎也

○孕元立本童第五

有太初有太始混沌一判既見氣矣故曰太初既立形矣故曰太始  
氣初形始天地相因生生化化品物彰矣故曰大哉乾元萬物資始  
至哉乾元萬物資生

吳禔註云混沌未化則氣形俱泯混沌既判則氣形已分既見氣  
矣是為太初既立形矣是以太始太初者凡有氣之所本故天得  
之以統元氣太始者凡有形之所本故地得之以統元形天地交  
泰相因為氣形生生者得所以生化化者得所以化品物流行而  
形色名聲彰矣大哉乾元太初之所寓也故以萬物之資始為言  
至哉坤元太始之所寓也故以萬物資生為言惟萬物資始資生  
於乾坤故乾元則兆象至坤元然後形無不成  
有生之初雖陽予之正育而充之必陰為之主

薛左丞註陰陽離合論曰天覆地載萬物方生未出地者命曰陰處名曰陰中之陰出地者命曰陰中之陽陽予之正陰爲之主王水謂陽施正氣萬物方生陰爲之主群形乃立字說始而生之者天地也育而克之者人也

因形移易日改月化坤道之代終也

列子周穆篇尹文先生曰因形移易謂之化莊子曰予方篇混元曰消息盈虛一晦一明日改月化日有所爲而莫見其功易坤卦文言曰地道無成而代有終也地之承天其無成而有終也豈迫於不得已耶蓋道之所在萬物失之則死得之則生有生之類聽命於此故無成而代有終者以道言之也

謂之姪陽既受始陰壬之也壬子謂之如字說

壬一陽也二陰也陽既受始陰壬而謂之姪解曰壬陽水之于也

位在亥子之間陰至亥極矣陽復受胎而謂之姪於壬至子後然生

謂之胞已爲正陽陰包之也

已正陽也而陰能包之陰與陽更用事故也已者孟夏之月於卦爲乾純陽用事故詩謂之正月正月者正陽之月也陰方用事而爲物之主則雖正陽亦在所包而退聽焉

謂之坯未成爲器猶云坯也

說文瓦未燒者謂之坯胚婦孕一月也字說坯未成爲器猶坯也

謂之胎既食於母爲口以也

說文胎婦孕二月也字說元胎既食於母爲口以焉

若娠則以時動也

宗說女娠以時動

若懷則以身依之也

字說心所懷則身依焉目隸焉

天之德地之氣陰陽之至和相與流薄於一體

靈樞經曰天之在我者德地之在我者氣德流氣薄而生者也

唯能順時數謹人事勿動而傷則育之道得矣

自一月積之至十月所謂時數也保衛輔翼防閑忌慎適其宜所謂人事也

觀四序之運生長收藏代出萬物儀則咸備而天地之氣未始或虧者蓋陰陽相養以相濟也

陰陽離合論曰天覆地載萬物方生陽予之正陰爲之主故因春

生因夏長因秋收因冬藏失常則天地四塞莊子天地篇曰流動而生物物生成理謂之形形體保神各有儀則謂之性者曾不知此乃欲拂自然之理謬爲求息之術方且推生死於五行斲補養於藥石以僞勝真以人助天雖或有子孕而不育育而不壽者衆矣昔人論年老有子者男不過盡八八女不過盡七七則知氣血在人固自有量夫豈能逃陰陽之至數哉

天真論帝曰有其年已老而有子者何也岐伯曰此其天壽過度氣脈常通而腎氣有餘也此雖有子男不過盡八八女不過盡七七而天地之精氣皆竭矣註雖老而生子子壽亦不能過天癸之數

○凝形殊稟章第六

天地者形之大也陰陽者氣之大也惟形與氣相資而立未始偏廢



莊子則陽篇太公調曰天地者形之大者也陰陽者氣之大者也  
氣以形載形以氣充惟氣與形兩者相待故曰相資而立未始廢  
男女媾精萬物化生天地陰陽之形氣寓焉

係辭曰天地絪縕萬物化醇男女媾精萬物化生

語七八之數七少陽也八少陰也相感而流通故女子二七天癸至  
男子而精通則以陰陽交合而兆始故也

岐伯曰女子二七而天癸至任脉通衝脉盛月事以時下故能有  
子男子二八腎氣盛精氣溢瀉陰陽和故能有子傳曰女子十四  
有爲人母之道四十九絕生育之理男子十六有爲人父之道六  
十四絕陽化之理

語九十之數九老陽也十老陰也相包而賦形故陰窮於十男能圓  
之陽窮於九女能方之則以陰陽相生而成終故也

字說陰窮於十圓之者男陽窮於九方之者女九有變也女足以  
方之十無變也男足以圓之解曰男有室所以圓陰於外女有家  
所以方陽於內易曰婦人之吉從一而終也夫子制義從婦凶也  
圓圓也君道也夫道也圓則可以制義而行方仁也臣道也婦道  
也方則從一而已男從圓典規從夫同意女從仁與臣從仁同意  
元氣孕毓皆始於子自子推之男左旋積歲三十而至巳女右旋積  
歲二十而至巳巳爲正陽陰實從之自巳懷子男左旋十月而生於  
寅女右旋十月而生於申申爲三陰寅爲三陽而生育之時著矣其  
稟賦也體有剛柔脉有強弱氣有多寡血有盛衰皆一定而不易也  
十九難口男生於寅寅爲木陽也女子生於申申爲金陰也楊氏

註云元氣起於子人之所生也男從子左行三十女從子右行二十俱至於巳爲夫婦懷妊也古者男子三十女年二十然後行嫁娶十月而生者男從巳左行至寅爲十月故男行年起於丙寅女從巳右行至申爲十月故女行年起於壬申以至分野異域則所產有多寡之宜吉事有祥則所慶各應其類是故荆楊溥壤多女雍冀厚壤多男熊羆爲男子之祥蛇虺爲女子之祥是皆理之可推也

周官職方也揚民其民三男五女荊州其民一男二女雍州其民三男二女冀州其民五男三女詩斯千篇名吉慶維何維熊維羆維虺維蛇大人占之維熊維羆男子之祥維虺維蛇女子之祥胎化之法有所謂轉女爲男者亦皆理之自然如食牡雞取陽精之

有黃

全於天產者帶雄取陽精之全於地產者

千金方轉女爲男丹參朮用東門上雄鷄頭又方取雄黃一兩縫囊盛帶之本草丹雄鷄補虛溫中通神殺毒其肝補腎其冠血益陽雄黃人佩之鬼神不能近毒物不能傷

操弓矢藉斧斤取剛物之見於人事者氣類潛通造化密移必於三月兆形之先蓋方儀則未具陽可以勝陰變女爲男理固然也巢氏論云姪娠三月始胎形象始化未有定儀見物而變欲得男者操弓矢食雄雞

○氣質生成章第七

具天地之性集萬物之靈陰陽平均氣質完備咸其自爾然而奇耦異數有衍有耗剛柔異用或強或羸血榮氣衛不能逃於消息盈虛



孫真人養胎法云妊娠食兔肉令子缺唇食犬肉令子無音聲食  
乾鯉魚令子患瘡癬異法方論云食之使人熱中註云魚發瘡  
心氣大驚而癩疾

奇病論帝曰人生而病癩疾者何岐伯曰名爲胎病此得之在腹  
中時其母有所大驚氣上不下精氣并居故令子發爲癩疾也  
腎氣不足而解顛

巢氏云解顛者言小兒年雖長而顛門不合頭縫開解是皆由腎  
氣不成故也腎主骨髓而腦爲髓海腎氣不成則腦髓不足不能  
成故頭顛開解

脾胃不和而羸瘦

巢氏曰夫羸瘦不生肌膚皆爲脾胃不和不能飲食故血氣衰弱  
不能榮於肌膚也凡小兒在胎而遇寒或生而伏熱皆令兒不能  
食故羸瘦也

心氣虛乏而神不足皆由氣血不調之故也誠能推而達之使邪氣  
無所乘茲乃生育相待而成者

病源云肺主氣心主脈而血氣通榮臟腑循行經絡產則血氣傷  
損臟腑不足而心統領諸臟使其勞傷不足則令驚悸恍惚是心  
氣虛也

故曰天不人不因人

法言云天不人不因人不天不成

○轉女爲男法第八

若婦人懷娠未滿三月男女未定形象未成故藥餌方術可以轉令

生男者理或有之其法以斧置妊娠床下繫刃向下勿令人知恐不信試令鷄抱卵時依此置窠下一窠盡出雄者又自初覺有娠取弓弩絃縛婦人腰下蒲百日去之此紫官玉女秘法也又妊娠三月已前以雄鷄尾尖上長毛二莖潛安婦人卧席下又取夫髮及手足甲潛安卧席下俱勿令知之又妊娠纔滿三月要男者以雄黃半兩衣中帶之要女者以雄黃帶之以上諸法試之良有驗也

雌

三刻太醫院補註婦人良方大全卷之十一

臨川 良甫陳自明 編輯

古吳 立齋薛 巳 補註

書林 公仁余元長 重訂

候胎門

○脉例第一

王子亨云若妊娠其脉三部俱滑大而疾在左則男在右則女經云陰搏陽別謂之有子搏者近也陰脉逼近於下陽脉則出於上陽中見陽乃知陽施陰化法當有子又少陰脉動甚者妊子也手少陰属心足少陰属腎心主血腎主精精血交會投識於其間則有娠又三部脉浮沉

正等無病者有妊也餘病如脉經說左手尺脉浮洪者爲男胎也右手尺部浮洪者爲女胎也兩手尺部俱洪者爲兩男俱沉實者爲兩女又云中指一跳一止者一月胎二跳二止者二月胎也

○診婦人有妊歌第二

肝爲血兮肺爲氣血爲榮兮氣爲衛陰陽配偶不參差兩藏通和皆類例血衰氣旺定無妊血旺氣衰應有體

肝藏血爲榮屬陰肺主氣爲衛屬陽陰陽配偶者是夫婦匹配偶合構精乃有子也若血少氣盛則無娠孕若血盛氣少則有孕也寸微關滑尺帶數流利往來并雀啄小兒之脉已見形數月懷胎猶未覺

寸脉微關脉滑尺脉帶數及流利雀啄皆是經脉閉塞不行成胎

已上之脉皆是血多氣少之脉是懷小兒之脉已見形狀也

左疾爲男右爲女流利相通速來去兩手關脉八相應已形亦

在前通語

左手脉疾爲懷男右手脉疾爲懷女及兩脉流行滑利相通疾速來去是或兩手關脉洪大相應是其胎已有形狀也

左脉帶縱兩箇男

縱者夫行乘妻水行乘火金行乘木卽鬼賊脉也名曰縱見在左手則懷兩箇男兒也

右手帶橫一雙女

橫者妻乘夫也是火行乘水木行乘金卽所勝脉也名曰橫見於右手則懷一雙女兒也

左手脉逆生三男

逆者子乘母也是水行乘金火行乘木即已生脉也名曰逆見於左手則懷三箇男兒也

右手脉順還三女

順者母乘子也是金行乘水木行乘火即生已之脉也名曰順見於右手則懷三箇女兒也

寸關尺部皆相應一男一女分形證

寸關尺部脉大小遲疾相應者是懷一男一女形證之脉也謂關前為陽關後為陰陰陽脉相應故懷一男一女也

有時子死母身存或即母亡存子命

此二句之文無辯子母存亡之法

往來三部通流利消數相參皆替替陽實陰虛得明遍滿胸堂皆逆氣

若寸關尺三部通行流利皆替替有力而滑數皆是陽實陰虛之脉主妊婦逆氣遍滿胸堂而不順也

左手太陽浮大男

左手寸口為太陽其脉浮大則是懷男子

右手太陰沉細女

右手寸口為太陰其脉沉細是懷女脉也

諸陽為男諸陰女指下分明長記取

諸陽脉皆為男即為大疾數滑實之類也當懷男子諸陰脉三部沉細之類是也當懷女子

三部沉正等無絕尺內不止真胎歸

寸關尺三部脉沉浮正直齊等舉按無絕斷及尺內舉按不止任

者真的懷胎婦也

夫乘妻兮縱氣霧

經云縱者夫乘妻也水行乘火金行乘木卽鬼賊脉也縱氣霧霧者露也又上下也謂夫之陽氣乘妻之陰氣二氣上下相逐如霧潤結子也

妻乘夫兮橫氣助

橫者妻乘夫也見前註謂兩傍橫氣相佐助也

子乘母兮逆氣參

逆者子乘母也謂子氣犯母氣相乘逆行之氣相參合也

母乘子兮順氣護

是母氣乘於子氣爲順氣相護衛也凡胎聚縱橫逆順四氣以榮

養方以成形也

小兒日足胎成聚身熱脉亂無所苦

婦人懷小兒五箇月是以必足胎成就而結聚也必母身體壯熱當見脉息燥亂非病苦之症謂五月胎已成受火精以成氣故身熱脉亂是無病也

汗中不食吐逆時精神結備其中任

謂始胎受五行精氣以成形稟二經以榮其母懷如至五月其胎雖成其氣未備故胎氣未安上衝心胸則汗出不食吐逆名曰惡阻俗呼選飯唯思酸辛之味以調胎氣也

滑疾不散三月胎

妊娠三月名始胎此是未有定儀心胞脉養之故脉見滑疾流利



為少氣多血不散為血氣盛則始結為胎也  
但疾不散五月毋

其脉但疾數而不散者是五箇月懷胎之母也

弦緊牢強滑利安沉細而微歸泉路

孕婦之脉宜弦緊勞強滑利為安吉之脉若沉細而微謂脉與形  
不相應故云死也前文雖云太陰沉細又云諸陰為女其說似有  
相違謂三部脉皆不沉細及微故不同也

愚按前論與脉訣所云不同觀者當自推之

○驗胎法第三

婦人經脉不行已經三月欲驗有胎川芎生為末空心濃煎艾湯調  
下二錢腹內微動則有胎也

○胎殺避忌產前將護法第四

一受孕之後切宜避忌胎殺所遊如經云刀犯者形必傷泥犯者窠  
必塞打擊者色青黯繫縛者相拘攣甚至母殞禍如反掌

○月遊胎殺

立春在房床

驚蟄在戶單

清明在門雙

立夏在竈

芒種在母身

小暑在竈

立秋在礎按京本云在正北方子云

白露在厨前

寒露在門

立冬在戶及厨

大雪在爐及竈

小寒在房母身

○十干日遊胎殺

甲巳日占門

乙庚日占礎磨

丙辛日占井竈

丁壬日占厨解 戊癸日占米倉

○十二支日遊胎殺

子丑日占中堂 寅卯辰酉日占竈 巳午日占門

未申日占籬下 戌亥日占房

○六甲旬遊胎殺

甲子旬遊窓碓 甲戌旬遊正廳 甲申旬遊中庭

甲午旬遊房內 甲辰旬遊房中 甲寅旬遊

○太史局日遊胎殺

每遇癸巳甲午乙未丙申丁酉五日在房內非庚子辛丑壬寅三日在房內南

癸卯一日在房內西

甲辰乙巳丙午丁未四日在房內東

六戊六巳日在房內中 餘日在外無占

凡遊在房內不宜於方位上安床帳及掃舍皆凶

又有小兒殺及本年三殺及產母身黃定命皆不可犯凡妊娠之後將此貼於房內常照見之切不可穿鑿修掘移釘繫籬壁重物展壁之類犯之重則胎死腹中母亦不利輕則子受其殃成人之後必定破形拳攣跛縮瘡癩犯之極驗

○食忌論第五

一受孕之後切宜忌不可食之物非惟有感動胎氣之戒然於物理亦有厭忌者設或不能戒忌非特延月難產亦能令兒破形母損可不戒哉

食雞肉糯米合食令子生寸白蟲

食羊肝令子生多厄

食鯉魚鱠及雞子令兒成疳多痰

食犬肉令子無聲音

食兔肉令子唇缺

食蟹令子項短及損胎

食鴨子共桑椹同食令子倒生心寒

食螃蟹令子橫生

食雀肉合豇豆食之令子而生一黑點黑子

食豇豆合藿香食之墮胎食山藥絕產

食雀肉令子不恥多淫

食山羊肉令子多病

食生薑令子多指生瘡

食蝦蟇鱗魚令兒瘡癩

食驢騾馬肉延月難產

如此之類無不驗者則知聖人胎教之法矣

○孕婦藥忌歌第六

蚘蟲水蛭地膽蟲

烏頭附子配天雄

躑躅野葛蜈蚣類

烏啄側子及毒蟲

牛黃水銀并巴豆

大戟蛇蛻及蜈蚣

牛膝藜蘆并薏苡

金石錫粉及雌雄

牙硝芒硝牡丹桂

蜥蜴飛生及麤蟲

伐赭蚌蟬胡粉麝

莞花薇薊草三稜

槐子牽牛并阜角

桃仁蟾螬和茅根

欖根礪砂與乾漆

亭長波流茵草中

藟麥藟茹蟹瓜甲

蝟皮赤箭赤頭紅

馬刀石蠶衣魚等

半夏南星通草同

乾薑蒜雞及雞子

驢肉兔肉不須供

切須婦人產前忌

此歌宜記在心胸

三刻太醫院補註婦人良方大全卷之十二

臨川大良甫陳自明編輯

古吳立齋薛巳補註

書林公仁余元長重訂

妊娠疾病門

胎後已明須知妊  
娠疾病故以次之

妊娠諸病忌毒藥餘當對症依法治之

○妊娠隨月服藥將息法第一

千金云妊娠一月名始胚飲食精熟酸美受御宜食大麥母食腥辛  
是謂纔正是月足厥陰脉養不可針灸其經此經內屬於肝肝主筋  
血一月之內血行否澁不為力事寢必安靜毋令恐畏况一月陰陽

新合為胎寒多為痛熱多卒驚舉重腰痛腹滿胞急卒有所下當預安之宜服烏雄雞湯

○烏雄雞湯方

烏雄雞一隻治如食法

吳茱萸兩

茯苓

阿膠各二兩炒 生薑

甘草各一兩

人參

芍藥

白木各三兩 麥門五合去心

右以水一斗二升煮雞取汁六升下藥煮取三升內酒三升并膠等取汁三升分三服

○補胎湯 若曾傷一月胎者當預服此藥

細辛兩

防風兩

烏梅升

吳茱萸

生地黄

白木各一兩

大麥合

生薑兩

右以水七升煮取汁二升半分三服寒多倍細辛茱萸熱多去細

辛茱萸加括萎根二兩有所思去大麥加栝子仁三合一方有人參一兩忌生菜蕪荑桃李雀肉等物

妊娠二月足少陽脉養不可針灸其經此經內屬於膽膽主精是時兒精成於胞裡當謹護勿驚動况二月始陰陽踞經有寒不成有熱即萎卒中風寒有所動搖心滿臍下懸急腰背強痛卒有所下乍寒乍熱艾葉湯主之

○艾葉湯方

丹參

當歸

人參

麻黃去節

艾葉

阿膠各二兩 甘草各一兩

大棗十二枚

生薑六兩

右以酒三升水一斗內藥煮減半去滓內膠煎取三升分三服忌

海藻松菜

○黃連湯 若曾傷二月胎者當預服此藥

黃連

人參 各一兩

吳茱萸 五合

生地黃 五兩

生薑 三兩

右以醋漿七升煮取三升分四服日三夜一每十日作一劑若覺不安加烏梅一升加烏梅者不用漿直用水忌豬肉冷水蕪華一方加當歸半兩

妊娠二月名始胎當此之時未有定儀見物而化欲生男者操弓午欲生女者弄珠玑欲子美數視璧玉欲子賢良端正清虛是謂外象而內感者也是月手心主脈養不可鍼灸其經此經內屬於心母悲哀思慮驚動蓋三月為定形有寒則大便清有熱則小便難不赤即黃卒驚恐憂愁曠志喜頓仆動於經脈腹滿繞臍苦痛腰背痛卒有所下宜服雄雞湯

○雄雞湯方

雄雞 一隻治如食法

甘草 多

茯苓

人參

河膠 各二兩

黃芩

白朮 各一兩

芍藥 四兩

大棗 十二枚

生薑 一兩

麥門冬 去心五合

右以水一斗五升煮雞減半內藥煮取一半入清酒三升并膠再煎取三升分三服日飲盡忌海藻菘菜酢物桃李雀肉等一方有當歸川芎二兩無黃芩生薑

○茯神湯 若曾傷三月胎者當預服此藥

茯神

丹參

龍骨 各一兩

阿膠 炒

當歸

甘草 多

人參 各二兩

赤小豆

大棗 十二枚

右酢漿一斗煮取三升分四服七日後服一劑腰痛加桑寄生二兩潞師方有薤白二兩麻子一升忌同前

姪娠四月以受水精始成血脉其食稍粳其羹魚薦是謂成血氣以通耳目而行經絡是月手少陽脈養不可針灸其經此經內輸三焦其時兒六腑順成當靜形體和心志節飲食蓋四月為離經有寒心下溫溫欲嘔胸滿不食小便如淋臍下苦急卒中風寒頸項強痛寒熱或驚動身軀腰背腹痛或時胎上胸煩不安卒有所下宜服菊花湯王之

○菊花湯方

菊花如雞子大一枚 麥門冬去心一升 麻黃去 阿膠炙各二兩 生薑五兩 甘草炙 當歸當歸 半夏洗各二兩 人參一兩五錢 大棗十二枚擘

右以水八升煮減一半內清酒三升并阿膠煎取三升分三服溫臥當汗以粉撲之獲風寒四五日忌食如前

○調中湯

芍藥四兩 甘草各一 芎藭 續斷各一兩 柴胡 李根白皮

白木各三兩 烏梅一升 當歸一兩五錢 生薑四兩 厚朴炙 枳實炙各二兩

右以水一斗煮取三升分四服日三夜一八日每服一劑一方有半夏二兩忌海藻菜桃李雀肉

姪娠五月始受火精以成其氣晏起沐浴浣衣居處必厚其衣裳朝吸天光以避寒殃其食稻麥其羹牛羊和菜萹調以五味是謂養氣以定五臟是月足太陰脈養不可鍼灸其經此經內輸於脾其時兒四肢成無大飢無甚飽無食乾燥無自炙熱無大勞倦蓋五月毛髮初生有熱苦頭眩心亂嘔吐有寒則腹滿痛小便數卒有恐怖四肢疼痛寒熱胎動無常處腹痛頸欲仆卒有所下宜服阿膠湯又名旋覆花湯王之

○阿膠湯方

阿膠四兩 人參一兩 生薑六兩 吳茱萸七兩 當歸合 旋覆花

芍藥 甘草炙 黃芩各二兩 麥門冬去心一升

右以水九升煮取一半內清酒三升并阿膠微火煎取三升半分四服日三夜一先食後服便愈不差更服忌海藻松菜

○安中湯 若曾傷五月胎者當預服此方

甘草炙 芍藥各三兩 當歸 人參 生地黃

芫蕪各二兩 五味子五合 麥門冬去心一升 大棗三十五枚 生薑六兩

大麻仁五合 黃芩兩

右以水七升清酒五升煮取三升半分四服日三夜一七日再服一劑忌如前

○安胎當歸湯 若妊娠五月舉動悞胎不安小腹痛引腰膝小便下血

當歸 阿膠炙 芫蕪 人參各一兩 大棗十二枚 艾一肥

右以酒水各三升煮至三升去滓內膠令烊分三服一方有甘草無參棗

妊娠六月始受金精以成筋身欲微勞無得靜處出遊於野數觀走犬走馬食忌鷲鳥猛獸之肉是謂變腠理絛筋以養其力以堅背脊是月足陽明脈養不可鍼灸其經此經內屬於胃主其口目蓋六月之時兒口目皆成調五味食甘美母大飽六月卒有所動不安寒熱往來腹內脹滿腫驚怖忽有所下腹痛如欲產手足煩疼宜服麥門冬湯

○麥門冬湯方

麥門冬去心一升 甘草炙 人參各一兩 生地黃三兩

丁補婦人良方

十二卷

五



黃芩二兩

阿膠炒四兩

生薑六兩

大棗十五枚

右以水七升煮減半內清酒二升并膠煎取三升分三服如人行

三四里進糜粥忌海藻松菜蕪荑

○柴胡湯 若曾傷六月胎者當預服之

柴胡四兩

白朮

芍藥一方作紫葳

甘草炙各二兩

麥門冬三兩去心

茯苓一兩

芎藭二兩

生地黄五兩

生薑六兩

大棗三十枚

右以水一斗煮取三升分四服日三夜一仍進糜粥七日更服一

劑忌海藻松菜蕪荑桃李雀肉等一方有黃芩二兩

○旋覆花湯亦名阻病集驗療妊娠六七月胎不安常處

旋覆花一兩

厚朴製

白朮

枳殼

黃芩炒

茯苓各三兩

半夏炒一方無芍藥

生薑各一兩

右以水一斗煮取二升半先食分五服日三夜二忌羊肉錫醋桃

李雀肉等千金同

妊娠七月始受水精以成骨勞身搖肢無使定止動作屈伸以運血氣自此後居處必節飲食避寒暑食粳稻以密腠理是謂養骨而堅齒是月手太陰脉養不可鍼灸其經內屬於肺主皮毛是時兒皮毛已成無大言無號哭無薄衣無洗浴無寒飲若忽驚恐搖動腹痛卒有所下手足厥陰脉若傷寒煩熱腹滿短氣常苦頸項腰背強宜服葱白湯

葱白十五枚

半夏細切

人參一兩五錢

生薑八兩

甘草炒

當歸

黃芪各三兩

阿膠炒四兩

黃芩一兩

旋覆花一把

麥門冬去心一升

右以水八升煮減半內清酒三升并膠煎取四升溫服一升日三

夜一温臥當汗出無汗加麻黃二兩秋後勿強汗忌羊肉餛海藻  
菘菜等

○杏仁湯 若曾傷七月胎者當預服

杏仁 去雙仁皮尖碎 甘草 炙 鐘乳 研 麥門冬 去心  
吳茱萸 各一升 五味子 粳米 各五合 紫苑 一兩

右以水八升煮取三升半分四服日三夜一七日服一劑忌 海藻菘菜

妊娠八月始受土精以成膚革和心靜息無使氣極是謂周密腠理  
光澤顏色是月手陽明脉養不可鍼灸其經此經內屬於大腸大腸  
主九竅是時兒九竅皆成無食燥物無輒失食無恐大氣若中風寒  
有所犯觸身體盡痛乍寒乍熱胎動不安苦頭眩痛繞臍下寒時時  
小便白如米汁或青或黃或寒慄腰背苦冷痛而目視茫茫宜 服芍藥湯

○芍藥湯方

芍藥 四錢 人參 當歸 甘草 炙各二兩

白朮 一兩 厚朴 二兩製 薤白 一升切 生薑 切四兩

右以水五升酒四升煮取三升分四服日三夜一忌海藻菘菜桃

李雀肉等類

○葵子湯 若曾傷八月胎者當預服

甘草 炙 柴胡 白朮 各二兩 厚朴 薑製  
芍藥 葵子 二升 生薑 六兩 大棗 一十枚擘

右以水九升煮取三升分四服日三夜一日服一劑忌猪肉冷水

薑黃桃李雀肉酢物等類

妊娠九月始受石精以成皮毛六腑百節莫不畢備飲醴食甘緩帶

自持而待之是謂養毛髮多才力是月足少陰脈所養不可鍼灸其  
經此經內屬於腎腎主續經皆成無處溫冷無着灸衣若卒下痢腹  
滿懸急上衝腰背痛不可轉側短氣宜服半夏湯

○半夏湯方

半夏炮炒 五合 麥門冬去心 五合 乾薑炮 一兩 當歸

吳茱萸 阿膠炙各 三兩 大棗十二枚擘

右以水九升煮取三升去渣內蜜八合微火溫分四服痢即止忌  
生血物湯

○猪腎湯 若曾傷九月胎者當預服

猪腎具一 茯苓 桑寄生 乾薑炮 生地黄

芍藥各三兩 白朮 麥門冬一斤附子大者一枚炮

右以水一斗煮猪腎熟去之內諸藥煎三升半分四服日三夜一

十日更一劑忌猪肉蕪荑桃李雀肉酢物

妊娠一月五臟俱備六腑通納天地氣於丹田故使關節人事皆備  
但俟時而生

愚按妊娠所禁之法皆傳自上古當永為遵守其方藥用須斟酌

○芩芩補中湯 治懷孕血氣不能榮養以致半產予嘗治一妊娠  
不是月而損墜服此藥遂安

乾薑炮 阿膠炒 五味子 芩芩各五分 黃芪炒 當歸

白芍藥 杜仲炒 白朮各一錢 木香 人參 甘草炙各五分

右水煎服

○雄娠惡阻方論第二

言婦人良方 十一卷  
妊娠惡阻病產寶謂之子病巢氏病源謂之惡阻由胃氣怯弱中脘停痰脉息和順但肢體沉重頭眩擇食惟嗜酸醎甚者寒然嘔吐胸膈煩滿半夏茯苓丸主之

愚按前症若中脘停痰用二陳湯加枳殼若飲食停滯用六君子加枳殼若脾胃虛弱用異功散若用氣不足用人參橘皮湯兼氣懶加枳殼胸膈痞悶再加蘇梗脇痛再加柴胡若飲食少思用六君子加紫蘇枳殼頭暈體倦用六君子湯若脾胃虛弱嘔吐不食用半夏茯苓湯蓋半夏乃健脾胃氣化痰滯之主藥也脾胃虛弱而嘔吐或痰涎壅滯飲食少思胎不安必用茯苓半夏湯倍加白木然半夏白木茯苓陳皮砂仁善能安胎氣健脾胃予常用驗矣

附治驗

一 妊娠嘔吐惡食體倦嗜臥此胃氣虛而惡阻也用人參橘皮湯二劑漸愈又用六君加紫蘇二劑而安

一 妊娠吞酸惡心時欲作嘔此因脾胃虛而飲食停滯用六君加枳殼香附治之而愈

一 妊娠停食腹滿嘔吐吞酸作瀉不食余以為飲食停滯兼肝木傷脾土用六君子湯以健脾胃加蒼朮厚朴以消飲食吳茱萸所製黃連以清肝火諸症悉愈又以六君加砂仁調理而脾土乃安

○ 白木湯 治胃虛惡阻吐水甚至十餘日粥漿不入

白木錢一 人參五分 丁香 甘草各二分 薑水煎服

○ 人參橘皮湯 治阻病嘔吐痰水飲食少思肢體倦怠

人參 橘紅 白木錢一 麥門冬去心 白茯苓各一錢

厚朴製

甘草炙五分

●右加竹茹薑水煎服。

○保生湯

治妊娠惡阻少食嘔吐或兼吐瀉作渴。

人參錢一

甘草炒

白朮炒

香附

烏梅

橘紅各五分

右薑水煎服。

○安胎作湯

治體倦惡食或胎動腹痛或下血發熱。

甘草炒

茯苓

當歸

熟地黃自製

川芎

白朮炒

黃芪炒

白芍藥炒

半夏湯泡

阿膠炒切

地榆各五分

右薑水煎服。

又方縮砂仁為末每服二錢薑湯或米飲調下。

附方

○二陳湯

方見二十四卷第五論

○六君子湯

方見二十四卷第六論

○異功散

方見二十二卷第三論

○半夏茯苓湯

方見後

○妊娠痰逆不食方論第三

妊娠嘔逆者乃水飲停積為痰輕者妨食嘔逆甚者腹痛傷胎皆繇胃氣不健或風冷外乘所致也

愚按前症因食停滯用半夏茯苓湯加枳殼兼氣惱更加柴胡因痰壅滯用半夏茯苓湯加白朮因風寒外傷用參蘇飲飲食腹脹用香砂六君子湯寒熱嘔吐人參養胃湯

附治驗

一妊婦嘔吐脇脹或寒熱往來面色青黃此木旺而尅脾土用六君子加柴胡桔梗枳殼而安

一妊婦嘔吐酸水胸滿不食此脾土虛而肝木所侮用六君子加芍

一妊婦嘔吐酸水胸滿不食此脾土虛而肝木所侮用六君子加芍

藥而愈又用四君子加枳殼桔梗而安

一妊婦胸腹膨脹吐痰不食此脾胃虛而飲食為痰用半夏茯苓湯漸愈又用六君子加枳殼蘇梗桔梗而飲食如常後因恚怒脇脹不食吐痰惡心用半夏茯苓湯加柴胡山梔而愈

○半夏茯苓湯 治妊娠脾胃虛弱飲食不化嘔吐不止

半夏炮炒 陳皮各一錢 白茯苓二錢 砂仁炒一錢 甘草炒五分

右用薑棗烏梅水煎服一二劑後用茯苓丸一方加藿香

○茯苓丸 治妊娠煩悶頭暈聞食吐逆或胸腹痞悶

赤茯苓 人參 杜心 乾薑炮 半夏泡洗

橘紅各一兩 白朮炒 葛根 甘草炒 枳殼炒各二兩

右為末蜜丸桐子大每服五十丸米飲下日三服

○四七湯 方見十一卷第七論

附方

○參蘇飲 方見六卷第十論

○六君子湯 ○四君子湯 ○香砂六君子湯 方見二十一卷第六論

○人參養胃湯 方見八卷第十八論

○胎動不安方論第四

妊娠胎動或飲食起居或衝任風寒或跌仆擊觸或怒傷肝火或脾氣虛弱當各推其因而治之若因母病而胎動但治其母若因胎動而母病唯當安其胎輕者轉動不安重者必致傷墜若面赤舌青是兒死也面青舌赤吐沫是母死也唇口色青兩邊沫出是子母俱死也察而治之

愚按前症胎氣鬱滯者用紫蘇飲脾氣虛弱者六君子湯加蘇殼  
鬱結傷脾者歸脾湯加柴梔鬱怒傷肝脾者四七湯加芎歸怒動  
肝火者加味小柴胡湯若胎已死急用平胃散加朴硝腐化之

附治驗

一妊婦內熱肺熱或兼寒熱飲食少思其胎或下墜或上攻此肝經  
血虛而火動耳先用加味逍遙散數劑次用六君子加柴胡枳殼  
各數劑而愈

一妊婦因怒寒熱胸脇脹痛嘔吐不食狀如傷寒此怒動肝火脾氣  
受傷也用六君子加柴胡山梔枳殼牡丹皮而愈但內熱口乾用  
四君子加芎歸升麻柴胡而安

○釣藤湯 治妊娠胎動腹痛面青冷汗氣欲絕者

釣藤鈞 當歸 茯神去木 人參各一錢 苦梗五分 桑寄生錢一

右水煎服煩熱加石膏

○黃芪湯 治氣虛胎動腹痛下水

糯米各一合 黃芪錢一 川芎各一兩 ●右水煎分三服

○順氣飲子 產前服之安胎

紫蘇葉 木香炮 人參 草豆蔻

茯苓各一兩 甘草錢五 大腹子一兩氣弱不用

右每服三錢寧根三寸糯米少許水煎服

○安胎寄生湯 治妊娠下血或胎不安或腰腹作痛

桑寄生 白朮各五分 茯苓四分 甘草錢一 ●用水煎服

又方好銀煮取水入葱白作羹食之

又方川芎二兩葱白五兩水三碗煮二碗半分三服

四物湯加熟艾阿膠茯苓或芩藜補中湯杜仲丸皆妙方並見前

附方

○紫蘇飲 方見十二卷第八論

○六君子湯 ○四君子湯 二方見二十四卷第六論

○加味小柴 胡方見二十四卷 湯第二論 ○平胃散 方見七卷第十八論

○加味逍遙散 ○歸脾湯 二方見二十四卷第四論

○姙娠漏胎下血方論第五

姙娠經水時下此繇衝任氣虛不能約制蓋心小腸二經相為表裏上為乳汁下為月水故姙娠經水壅之以養胎蓄之以為乳若經水時下名曰胞漏血盡則斃矣

愚按前症若因風熱用防風黃芩丸若因血熱用加味逍遙散若

因血虛用二黃散若因血去太多用八珍湯未應補中益氣湯若

因肝火用柴胡山梔散若因脾火用加味歸脾湯若因事下血作

痛用八珍湯加阿膠熟艾若因脾胃虛弱用補中益氣湯加五味

子若因脾胃虛陷用前湯倍用升麻柴胡若晡熱內熱宜用逍

附治驗方藥

一姙婦下血服涼血之藥下血益甚食少體倦此脾氣虛而不能攝

血余用補中益氣湯而愈後因怒而寒熱其血仍下此肝火旺而

血沸騰用加味逍遙散血止用補中益氣湯而安

姙婦下血發熱作渴食少體倦屬脾氣虛而肝火所侮用四君子

加柴胡山梔血止因怒復作用六君加柴胡山梔升麻而安



○二黃散 治胎漏下血或內熱肺熱或頭痛頭暈或煩躁作渴或脇肋脹痛等症

生地黃

熟地黃白製

右爲末每服三錢煎白朮枳殼湯調下二黃須秤膏爲丸庶藥不枯槁而有力也

○防風黃芩丸 方見後

○加味歸脾湯 ○加味道遙散 ○八珍湯 三方見二十四卷

○四君子湯 ○補中益氣湯 ○六君子湯 三方見二十四卷

○柴胡山梔散 方見二十四卷第三論

○妊娠卒然下血方論第六

妊娠下血因冷熱不調七情失宜氣血不和所致若傷於胎則痛而下血甚則胎墮矣

愚按前症若因氣怒用小柴胡湯若因風熱用一味防風丸若因血熱用一味子芩丸若因脾氣虛弱用六君子湯若因中氣下陷用補中益氣湯若氣血而下血者乃因兒小飲少也不必服藥

附治驗

一妊娠六月每怒下血甚至寒熱頭痛脇脹腹疼作嘔少食余謂寒熱頭痛乃肝火上衝脇脹腹痛乃肝氣不行作嘔少食乃肝侮脾胃小便下血乃肝火血熱用小柴胡加芍藥炒黑山梔茯苓白朮而愈一妊娠六月體倦食少勞役下血用六君加當歸熟地升麻柴胡而愈安胎散 治卒然腰痛下血

熟地黃白製 艾葉 白芍藥炒 川芎 黃芪炒

諸病效... 一二三

阿膠炒 當歸 甘草炒 地榆各五分

右薑棗水煎服或加杜仲續斷

附方

○子芩丸 治肝經有熱妄行用細條黃芩炒為末每服一錢以秤  
錘燒赤焯酒熱調服若脾胃虛不宜用

○防風丸 治肝經有風以致血得風而流散不歸經用防風為末  
每服一錢白湯調服

○防風黃芩丸 治肝經有風熱致血崩便血尿血用條芩炒焦防  
風等分為末酒糊丸桐子大每服三五丸食遠或食前米飲或  
溫酒送下

○小柴胡湯 方見二十四卷第二論

○六君子湯 補中益氣湯 二方見二十四卷第六論

○妊娠驚胎及僵仆方論第七

妊娠驚胎者乃懷妊將滿胎神已具墜仆傷胎甚至下血不醒若欲  
驗其子母安否當參第四論治之

愚按前症若因怒跌仆或手足抽搐用釣藤湯若因氣滯用紫蘇  
飲若因脾胃氣虛用六君子加蘇梗若鬱結傷脾用歸脾湯若鬱  
怒傷肝脾用四七湯加芩歸若去血過多用佛手散如不應膠艾  
湯氣血虛八珍加膠艾

○神妙佛手散 治胎漏服之即安胎損服之立下 即芩歸湯

當歸 川芎 各五錢 ●水酒煎血崩昏暈用水煎服

○治妊娠從高墜下腹痛下血

丁南婦人良方 卷之... 十五

生地黄

益母草 各二錢

當歸

黃芪 炒各一錢

●薑水煎服

○膠艾湯 治妊娠頓仆胎動不安腰腹疼痛或胎上搶或去血腹痛

阿膠 一兩

熟艾葉 數莖

或合四物湯

右以水三碗煮取二碗分三服

又方川芎末二錢酒下二三服胎生即安胎死即下

又方失所胎動或子煩飲竹瀝一升立愈

又方縮砂和皮砂為末每服二錢米飲下腹熱即安

○秦芫湯 方見前

○安胎散 治頓仆胎動腰腹痛 方見前

○四七湯 治七情鬱結成痰或如梅核鯁於喉間或中脘停痰氣

痞或痰壅氣喘或痰飲中脘嘔逆亞心

紫蘇葉

厚朴 薑製

茯苓 各一錢

半夏 薑製一錢五分

右薑棗水煎白濁送青州白丸子極妙

○加味四物湯 治症同前

又方治寒邪所犯心腹作痛

桂枝

芍藥 炒

半夏 各一錢

茯苓

厚朴 薑製

枳殼 炒

甘草 炒各五分

人參

紫蘇 各一錢

●右薑棗水煎服

○釣藤湯 方見前

○六君子湯 方見二十四卷第六論

○歸脾湯

○八珍湯 二方見二十四卷第四論

○妊娠胎上逼方論第八

妊娠將養如法則血氣調和胎得其所而產亦易否則胎動氣逆臨產亦難甚至危矣

愚按前症若氣逆胎上用紫蘇飲飲食不甘兼以四君子若內熱  
脯熱兼以逍遙散若胃火所致用四君黃芩枳殼柴梔若脾鬱所  
致用歸脾湯加柴梔枳殼

附治驗

一妊婦每因恚怒其胎上逼左關脉弦洪乃肝火內動用小柴胡  
茯苓枳殼山梔而愈但體倦不食用六君子調養脾土加柴胡枳  
殼調和肝氣乃瘥

一妊婦胎上逼胸滿噯氣飲食少思此脾氣鬱滯用紫蘇飲頓安又  
用四君子加枳殼柴胡山梔而瘥

紫蘇飲

治子懸腹痛或臨產驚恐氣結連日不下或大小便不利

當歸

甘草

大腹皮

人參

川芎

橘皮

白芍藥

紫蘇

右薑葱水煎

一孕婦累日不產催藥不驗此坐早太早心懷畏懼氣結而血不行  
也用前飲一服便產

一婦人孕七月上衝腹痛面不赤舌不青乃子懸也亦用前飲而胎  
母俱安

當歸湯

治胎動煩躁或生理不順唇口青黑手足厥冷

當歸

人參

阿膠

甘草

連根葱白

右水四碗煎四味至半去滓下葱煎至一碗分二服

○大聖散 治妊娠忪悸夢驚心腹脹滿連臍急痛

白茯苓 川芎 麥門冬去心 黃芪炒 當歸各一錢 人參

甘草炒 木香各五分 ●右薑水煎服

又方 治胎上逼熱痛下血或煩悶困篤用葱二十莖水濃煮飲胎未死即安胎已死即下未効再服若唇口青黑手足厥冷須佐以當歸湯

○白朮湯 治遍身痛或衝心痛欲死 方見後

附方

○四君子湯 二方見二十四卷第六論

○逍遙散 二方見二十四卷第四論

○小柴胡湯 方見二十四卷第二論

○妊娠下如豆汁胎動腹痛方第九

愚按前症肝脾濕熱用升陽除濕湯肝脾風熱用加味逍遙散肝脾鬱怒用加味歸脾湯脾胃氣虛用錢氏白朮散若脾氣下陷用補中益氣湯肝經風熱用防風黃芩丸風入腸胃用胃風湯

附治驗

一妊婦因怒胸膈不利飲食少思服消導順氣之劑脾胃愈弱飲食愈少大便不實且無度久而便黃水或帶白視其面色黃中隱白余曰黃色脾虛也白色肺虛也朝以補中益氣湯升補胃氣夕以六君子培補脾氣而愈

治妊娠忽然下如豆汁等物或胎動腹痛

糯米升五 黃芪炒六 ●用水煎分四服

補遺用野苧根二兩好銀三五兩或金銀首飾水酒各半煎服

附方

○胃風湯 治風邪乘虛客於腸胃水穀不化泄瀉下注腹脇虛滿腸鳴作痛及腸胃虛熱下如豆汁或瘀血日夜無度方見第八卷第十論

○東垣升陽除濕湯 治婦人女子漏下惡血月事不調或暴崩不止多下水漿之物皆繇飲食失節或勞傷形體或素患心氣不足因飲食勞倦致令心火乘脾其脈緩而弦急按之洪大皆脾上受邪也

柴胡 羌活 蒼朮 黃芪各一錢五分 防風 甘草炙 升麻 藜蘆各一錢 獨活 當歸各五分

右水煎食前服

○加味逍遙散 ○加味歸脾湯 一方見二十四卷第四論

○防風黃芩丸 方見前

○補中益氣湯 ○六君子湯 方見二十四卷第六論

○錢氏白朮散 方見二十一卷第二論

○姪娠誤服毒藥胎動方第十  
愚按前症若因毒藥用甘草黑豆淡竹葉若因頓仆用阿膠散未應煎送知母丸若因頓仆下血腹痛用佛手散未應用八珍湯送知母丸血出過多用八珍湯斤許益母草四兩水煎徐徐與服若胎死以朴硝或平胃散下之

○奪命丹 治小產或毒藥唇口爪青黑其胎已死

牡丹皮 白茯苓 桂心 赤芍藥各錢 桃仁去皮尖研如泥

右等分蜜丸彈子大每服一丸醋湯速進兩丸立出

○阿膠散 治姪娠跌仆或毒藥致胎不安

熟地黄 二錢 自製

白芍藥 艾葉

當歸 黃芪 炒

甘草 炒

阿膠 炒各一錢

右薑棗水煎服

藥毒胎動甘草烏豆淡竹葉等分用水濃煎服

附方

一本作火思非哉

○知母丸 又名一海丸方見十三卷第九論

○佛手散 方見前 ○八珍湯 方見二十四卷第四論

○平胃散 方見八卷第十八論

○妊娠心痛方論第十一

妊娠心痛乃風邪痰飲交結若傷心正經為真心痛朝發夕死夕發旦死若傷心支絡則乍安乍作若傷於子藏則胎動而下血愚按前症若飲食所傷用平胃散加枳殼山楂若因錯雜諸邪當

審其因而治之

附治驗

一妊婦心痛煩熱作渴用白朮散即愈後因停食其痛仍作胸腹膨滿按之則痛此因飲食停滯用人參養胃湯按之不痛乃脾胃受傷以六君子補之而愈

一妊婦心腹作痛胸脇作脹吞酸不食此肝脾氣滯用二陳山查山桅青皮木香而愈又因怒仍痛胎動不食面色青黃肝脈弦緊脾脈弦長此肝乘其土用六君子湯加升麻柴胡木香而愈

○妊娠婦卒心痛氣欲絕

川芎 當歸 茯苓 厚朴 製各一錢 ●用水煎服

○白朮湯 治妊娠內熱心痛

丁補婦人良方

十一卷

二十

白朮

錢四

赤芍藥

錢三

黃芩

錢二

○用水煎忌桃李雀肉

雷公炮炙論云心痛欲死急覓延胡

又方青竹茹一升酒二升煮一升分二服

又方破雞子一枚調酒服之

○紫蘇飲 方見前

附方

○人參養胃湯

○平胃散

二方見七卷第十八論

○二陳湯

方見二十四卷第五論

○六君子湯

方見二十四卷第六論

○妊娠心腹痛方論第十二

妊娠心腹痛或宿有冷疾或新觸風寒或痰飲相搏若痛胞絡必致動胎甚則傷墮

愚按前症若風寒痰飲用金沸草散胎氣鬱滯加香附川芎若飲食停滯用六君加紫蘇枳殼若怒動肝火用前藥更加柴胡山梔若鬱結傷脾用歸脾湯加枳殼出梔

附治驗

一妊娠心腹作痛吐痰噁心胎氣上攻飲食少思此脾虛氣滯而為痰用六君子加柴胡枳殼諸症漸退飲食漸進又用四君子加枳殼山梔桔梗而安後因怒兩脇氣脹中脘作痛惡寒嘔吐用六君加柴胡升麻木香一劑而愈

○當歸芍藥湯

治妊娠心腹急痛或去血過多而眩暈

白芍藥

炒

當歸

茯苓

白朮

炒

澤瀉

各一錢

川芎

二錢

右水煎服



○阿膠散 治胎動腹痛

白茯苓

白朮炒

川芎

阿膠各一錢炒 當歸

陳皮

各一錢

甘草炒三分

●右水薑棗煎服

治胎動腹痛欲落上等銀一斤茅根二斤去黑皮水五碗煮取三碗入清酒一碗并茅根煎數沸徐徐服立安金銀首飾亦可

附方

○金沸草散 方見六卷第十二論

○紫蘇飲 方見前

○四君子湯

○六君子湯 二方見二十四卷第六論

○歸脾湯 方見二十四卷第四論

○妊娠中惡方論第十三

妊娠若忽然心痛悶絕欲死者謂之中惡蓋因氣血不足精神衰弱故邪毒得以中之也

愚按前症當調補正氣為善用金銀藤一味煎湯飲之

又方治前症

生地黄

錢二

枳殼

錢一

木香

分三

●用酒煎服

又方豆豉一兩薑半兩水煎服

妊娠腹痛或吐血衄血熟艾如拳大煮汁服

又方用鹽一盞水調服以冷水喫之吐出即安

又方竈心土為末每服二錢白湯調

○妊娠腰腹背痛方論第十四

腎主腰足因勞役傷損其經以致風冷乘之腰腹相引而痛蓋婦人腎以繫胞妊娠痛甚則胎墮也

愚按前症若外邪所傷用獨活寄生湯勞傷元氣用八珍杜仲砂仁膠艾脾腎不足以前藥加白朮補骨脂氣血鬱滯用紫蘇飲加桔梗枳殼肝火所動用小柴胡湯加白朮枳殼山梔肝脾鬱結用歸脾湯加柴胡枳殼

附治驗

一 姪婦頸項強直腰背作痛此膀胱經風邪所致用拔萃羌活湯一劑而愈又用獨活寄生湯及八珍湯以祛邪固本而痊

○ 通氣散 治腎虛腰痛神妙破故紙炒為末空心每服二錢嚼核桃肉半箇以溫酒下

○ 杜仲丸 治姪娠腰背痛杜仲炒續斷酒浸等分為末煑棗肉丸桐子大每服七十丸酒下米飲亦可

○ 膠艾湯

治腰腹疼痛胎動欲落即前姪娠下血補遺內安胎散

附方

○ 獨活寄生湯

方見四卷第七論

○ 八珍湯

○ 歸脾湯 二方見二十四卷第四論

○ 紫蘇飲

方見前

○ 小柴胡湯

方見二十四卷第二論

○ 羌活勝濕湯

方見四卷第一論

○ 姪娠小腹疼痛方論第十五

姪娠小腹疼痛繇胞絡虛風寒相搏痛甚亦令胎動也

愚按前症若風寒所搏用紫蘇飲加生薑氣血虛用八珍湯脾氣虛用六君子湯中氣虛用補中益氣湯若腹脹痛用安胎飲加升麻白朮不應兼補中益氣湯

附治驗方藥

一 妊婦小腹作痛其胎不安氣攻左右或時逆上小便不利用小柴胡湯加青皮山梔清肝火而愈後因怒小腹脹滿小便不利水道重墜胎仍不安此亦肝木熾盛所致用龍膽瀉肝湯一劑諸症頓愈乃以四君子加柴胡升麻以培脾土而安

○紫蘇飲

方見前

○八珍湯

方見二十四卷第四論

○四君子湯

○六君子湯

○補中益氣湯

三方見二十四卷第六論

○安胎飲

方見前

○小柴胡湯

方見二十四卷第二論

○龍膽瀉肝湯

方見二十四卷第八論

○妊娠心腹脹滿方論第十六

大妊娠心腹脹滿者繇脾胃虛寒復因冷飲相搏所致也

愚按前症若外感風寒內傷飲食用藿香正氣散若食傷脾胃用六君子湯若陽氣壅滯用紫蘇飲

附治驗

一 妊婦飲食停滯心腹脹滿或用人參養胃湯加青皮山查枳殼其脹益甚其胎上攻惡心不食右關脈浮大按之則弦此脾土不足肝木所侮余用六君子加柴胡升麻而愈後小腹痞悶用補中益氣湯升舉脾氣乃瘥

○下氣湯

治心腹兩脇脹悶飲食少思四肢無力

羌活

赤芍藥

炒

甘草

炒

檳榔

青皮

大腹皮

陳皮

赤茯苓

半夏

薑製

桑白皮

炒各五分

桂心

一分

紫蘇莖

錢一

●右水煎服

局方枳殼散保風散紫蘇飲藿香正氣散皆良

附方

○六君子湯

○補中益氣湯

二方見二十四卷第六論

○人參養胃湯

方見七卷第十八論

三刻太醫院補註婦人良方大全卷之十三

○妊娠數墮胎方論第一

夫胎乃陽施陰化榮衛調和經養完全十月而產若血氣虛損不能養胎所以數墮也凡妊婦腰痛多墮胎

愚按丹溪先生曰陽施陰化胎孕乃成血氣虛乏不能榮養其胎則墜譬如枝枯則果落藤痿則花墜嘗治賈氏婦每有孕至三月前後必墜診其脉左右大而無力重則瀼知其血虛也補其中氣使血自榮時正初復教以濃煎白朮湯下黃芩末二錢與數十貼得保而生因而思之墜於內熱而虛者於理為多曰熱曰虛蓋孕至三月上屬相火所以易墮不然何以黃芩熟艾阿膠等為安胎之妙如此也大抵治法須審其月屬某經育養而藥之

附治驗

一妊婦五月服剪紅丸而胎墮及腹脹痛乃服破血之劑痛益甚手不敢近予曰此峻藥重傷脾胃也用八珍倍加參芪半夏乳香沒藥二劑而痛止數劑而安

吳江庠史萬湖仲子室年二十餘疫疾墮胎時咳服清肺解表之藥喘急不寐予以為脾土虛而不能生肺金藥復損而益甚也先與補中益氣加茯苓半夏五味炮薑四劑漸愈後往視之用八珍加五味及十全大補湯而愈

一方鯉魚二觔一作魚一尾粳米一升用鹽醬煑食甚善月食三次

○芎藭補中湯杜仲九治氣虛而胎墜方見十一卷第一論

附方

○十全大補湯

○八珍湯方見二十四卷第四論

○補中益氣湯方見二十四卷第六論

○妊娠不長方論第二

夫妊娠不長者因有宿疾或因失調以致臟腑衰損氣血虛弱而胎不長也當治其疾益其氣血則胎自長矣

愚按前症更當察其經絡審其所因而治之

附治驗

一妊婦胎六月體倦懶食面黃晡熱而胎不長因勞欲墜此脾氣不足也用八珍湯倍加參朮茯苓三十餘劑脾胃漸健胎安而長矣  
一妊婦因怒寒熱往來內熱晡熱脇痛嘔吐胎至八月而不長此因肝脾鬱怒所致用六君加柴胡山梔枳殼紫蘇桔梗病愈而胎亦

長矣

○黃芪湯 治妊娠不長更安胎和氣

黃芪炒 白朮炒 陳皮 麥門冬去心 白茯苓 前胡

人參各五分 川芎 甘草炒三分 ●右薑棗水煎服

驗用鯉魚長尺許如食法飲其汁其胎漸大而長矣

附方

○六君子湯 方見二十四卷第六論

○八珍湯 方見二十四卷第四論

○妊娠胎動不安當下方論第三

夫人以胃氣壯實衝任榮和則胎得所如魚處淵若氣血虛弱無以滋養其胎終不能成也宜下之以免其禍

愚按前症宜用第十二卷十四方論主之其胎果不能安者方可議下慎之慎之

附治驗

鴻臚張淑人痢疾後胎動心神不安肢體殊倦用八珍散二十餘劑漸愈因勞加煩熱頭痛以大劑補中益氣湯加蔓荊子治之熱痛頓止仍用前散又五十餘劑而安其後生產甚易

○桂心散 治妊娠因病胎不能安者可下之

桂心 瓜萋 牛膝 藿麥各五分 當歸一錢 ●用水煎

又方牛膝一兩酒一鍾煎七分作二服

小品方用麥蘖一升搗碎水二升煮一升服之神効觀麥蘖能損氣破血如此脾胃虛弱飲食不化者不宜用明矣

文仲取雞子一枚鹽三錢服之立下

佛手散服之胎死者即下生者亦安

方見十二卷第七論

附方

○八珍散

方見二十四卷第四論

○補中益氣湯

方見二十四卷第六論

○娠墮胎後血下方論第四

墮胎後復損經脈而下血不止甚則煩悶至死皆以調補胃氣為主  
愚按前症若肝經血熱用四物參朮山梔肝經風熱用防風黃芩  
丸肝經怒火用加味道遙散脾經氣虛用四君歸地脾經鬱滯用  
加味歸脾湯氣滯不和用紫蘇飲胃氣下陷用補中益氣湯

附治驗

一娠婦墮胎昏憤不時吐痰自用養血化痰之劑昏憤不省自汗發

搐痰涎湧出彼以為中風欲用祛風化痰予曰此屬脾氣虛寒所

致遂用十全大補湯加炮薑二十餘劑尋愈

治娠婦損動下血腹痛

阿膠

一兩 艾葉

半兩 ●用水一大盞煎

治墮胎下血煩滿寒熱狂悶鎊鹿角炒為末每服三錢水調下日三  
服或家雞翎燒為末每服二錢溫酒下良久再服以効為度

附方

○四物湯

○補中益氣湯

二方見二十四卷第六論

○紫蘇飲

方見十二卷第八論

○防風黃芩丸

方見十二卷第六論

○加味逍遙散

○加味歸脾湯

○十全大補湯

三方見二十四卷第四論

○妊娠未足月欲產方論第五

妊娠未足月而痛如欲產或應產而難或為子煩用知母一味蜜丸  
桐子大粥飲服之或槐子蒲黃等分為丸酒服或蒲黃水調錢許並  
愚按小產重於大產蓋大產如瓜熟自脫小產如生採斷其根蒂  
豈不重哉而人輕忽死於是者多矣大抵治法宜補形氣生新血  
去瘀血為主若未足月痛而欲產用芩歸補中湯倍加知母止之  
產而血不止人參黃芪湯補之產而心腹疼痛當歸川芎湯主之元  
氣弱而欲產八珍湯固之出血過多而發熱聖愈湯治之若汗不  
止或昏潰喘咳急用獨參湯若發熱煩躁或肉攣筋惕用八珍湯

大渴面赤脈洪而虛者用當歸補血湯身熱面赤脈沉而微者用  
四君薑附以回其陽可也

附治驗方藥

一妊婦八月胎欲墜如產臥久少安日晡益甚此氣血虛弱朝用補  
中益氣湯加茯苓半夏隨愈更以八珍湯調理而安

○當歸川芎湯 治小產後瘀血心腹疼痛或發熱惡寒

當歸 川芎 熟地黃白製 白芍藥炒 玄胡索炒 紅花  
香附 青皮炒 澤蘭 牡丹皮 桃仁

右水煎入童便酒各小半盞服

若以手按腹愈痛此瘀血為患宜用此藥或失笑散消之若按之  
不痛此是血虛宜用四物參苓一作苓白朮若痛而作嘔此是胃虛宜用



六君子若痛而作瀉此是脾虛宜六君子送二神丸

○芎歸補中湯 治氣血虛而欲產

艾葉代薑 阿膠炒 川芎 五味子炒 黃芪多 當歸

白朮炒 芍藥炒 人參 杜仲炒各錢 甘草炙五分

右每服五錢水煎服

若脾氣虛弱須用補中益氣湯若氣虛而有火宜用安胎飲

○人參黃芪湯 治小產氣虛血下不止

人參 黃芪炒 當歸 白朮炒 白芍藥炒 艾葉各錢

阿膠炒二錢 ●右作一劑水煎服

○當歸散 治產後氣血虛弱惡露內停增寒發熱宜服此藥

當歸 白芍藥炒 川芎 黃芪炒各一兩 白朮五錢

右為細末溫童便調下二錢

○聖愈湯 方見二十四卷第九論

○獨參湯 方見三卷第十三論

○當歸補血湯 ○八珍湯 二方見二十四卷第四論

○補中益氣湯 方見二十四卷第六論

○斷產方論第六

易曰天地之大德曰生然婦人有臨產艱難或生育不巳而欲斷之故錄驗方以備所用若服水銀毒蟲水蛭之類不惟孕不復懷且禍在反掌

愚按前云用蠶故紙尺許燒灰為末產後酒服之血虛者終不復孕大抵斷產之劑多用峻厲往往有不起者是則產之害未若斷

言和婦人良方 十三卷  
產之害也吾聞閣老張羅峯太常李恒齋俱因服斷產之劑自謂  
形體俱怯遇勞必病有繇然矣

○千金斷產用油煎水銀一日方息空心服棗大一丸永斷其孕且不損人  
○千金去胎大麩五升清酒一斗煮二沸去滓分五服隔宿勿食旦  
再服其胎如糜母無所苦千金不傳

○四物湯每服五錢加芸薹子二撮於經行後空心溫服

○姪娠咳嗽方論第七

夫肺內主氣外司皮毛皮毛不密寒邪乘之則咳嗽秋則肺受之冬  
則腎受之春則肝受之夏則心受之其嗽不已則傳於腑姪娠病久  
不已則傷胎也

愚按前症若秋間風邪傷肺用金沸草散夏間火邪尅金用人參  
平肺散冬間寒邪傷肺用人參敗毒散春間風邪傷肺用參蘇飲  
若脾肺氣虛用六君芩歸桔梗若血虛四物桑皮杏仁桔梗腎火  
上炎用六味丸加五味子煎服脾胃氣虛風寒所傷用補中益氣  
加桑皮杏仁桔梗蓋肺屬辛金生於巳土嗽久不愈者多因脾土  
虛而不能生肺氣而腠理不密以致外邪復感或因肺氣虛不能  
生水以致陰火上炎所致治法當壯土金生腎水爲善諸臟腑嗽  
見六卷第十一等論

附治驗

作促

一姪娠氣喘痰甚諸藥不効素有帶下始於目下浮兩月餘其面亦  
然此氣虛而有痰飲也用六味丸料數劑而愈

一姪婦嗽則便自出此肺氣不足腎氣虧損不能司攝用補中益氣

湯以培土金六味丸加五味以生腎氣而愈

一姪婦咳嗽其痰上湧日五六碗許諸藥不應予以爲此水泛爲痰用六味丸料及四君子湯各一劑稍愈數劑而安

一姪婦因怒咳嗽吐痰兩脇作痛此肝火傷肺金以小柴胡湯加山梔枳殼白朮茯苓治之而愈但欲作嘔此肝侮脾也用六君子加柴胡升麻而痊

○桔梗散 治風寒咳嗽喘急不食

天門冬去心 赤茯苓各一錢 桑白皮 桔梗炒 紫蘇各五分

麻黃去節 貝母 人參 甘草炒 ●右薑水煎

○馬兜鈴散 治咳嗽氣喘

馬兜鈴 苦梗 人參 甘草 貝母各五分

陳皮去白 紫蘇 桑白皮 大腹皮黑豆水浸洗各一錢 五味子五分

右薑水煎

○百合散 治咳嗽胸膈煩悶

川百合 紫苑 麥門冬 苦梗 桑白皮各五分

甘草三分 竹茹二分 ●右薑水煎

治姪娘傷寒涎多咳嗽

知母 杏仁 天門冬 桑白皮各五分 ●用薑水煎服

○旋覆花湯感冒喘嗽胸滿痰盛方見二十二卷第四論

○華蓋散治症同上或項背拘急鼻塞頭眩時發寒熱方見六卷第十二論

○參蘇飲加杏仁五味子治症同上

附方

○金沸草散 方見六卷第十二論

○人參平肺散 方見二十四卷第十二論

○人參敗毒散 方見二十四卷第十論

○補中益氣湯 ○四君子湯 ○六君子湯 三方見二十四卷第六論

○六味丸 方見二十四卷第十一論

○小柴胡湯 方見二十四卷第十二論

○妊娠吐血衄血方論第八

妊娠吐血繇七情臟腑所傷氣逆於上致血上溢不止心悶甚者多死或墜胎也宜用局方必勝散

愚按前症若肝經怒火先用小柴胡山梔生地次用前藥合四物後用加味道遙散肝經風熱防風子芩丸心經有熱硃砂安神丸

心氣不足補心湯思慮傷心妙香散胃經有火犀角地黄湯膏粱積熱加味清胃散鬱結傷脾加味歸脾湯肺經有火黃芩清肺飲因氣鬱滯紫蘇飲子氣不衄血用補中益氣湯腎經虛火加味六味丸仍以七卷第五論互用

附治驗方藥

一妊娠因怒吐血兩脇脹痛小便淋瀝此怒而血蓄於上隨火出也用小柴胡合四物四劑血止用六君子安胎飲調理而安

○紫蘇飲 治妊娠失調胎氣不安上攻作痛或逆氣失血 方見十二卷第八論

若肝脾氣血虛而有火不安宜兼道遙散若脾氣虛弱而不安宜用四君芎歸

○小柴胡湯 方見二十四卷第一論

言補如人良方 一三卷  
○四物湯 ○補中益氣湯 ○六君子湯三方見二十四卷第六論

○加味逍遙散 ○加味歸脾湯二方見二十四卷第四論

○防風子芩丸方見十二卷第六論

○硃砂安神丸方見三卷第十論

○養心湯方見三卷第十論

○妙香散方見三卷第十一論

○安胎飲方見十二卷第一論

○犀角地黄湯方見七卷第六論

○加味清胃散方見二十四卷第一論

○黃芩清肺飲方見八卷第一論

○加味六味丸方見二十四卷第十一論

○妊娠子煩方論第九  
論曰妊娠苦煩悶者以四月受少陰君火以養精六月受少陽相火

以養氣若母心驚膽寒多有是症產寶云是心肺虛熱或痰積於胸  
若三月而煩者但熱而已若痰飲而煩者吐涎惡食大凡停痰積飲  
寒熱相搏吐甚則胎動不安

愚按前症若因內熱用竹葉湯氣滯用紫蘇飲痰滯用二陳白朮  
黃芩枳殼氣鬱用分氣飲加川芎脾胃虛弱用六君紫蘇山梔

附治驗

一妊婦煩熱吐痰惡食惡心頭暈此脾虛風痰為患用半夏白朮天  
麻湯以補元氣祛風邪漸愈惟頭暈未痊乃用補中益氣湯加蔓  
荊子以升補陽氣而愈

○竹葉湯 治子煩

防風 黃芩炒 麥門冬各一錢 白茯苓二錢

右竹葉數片水煎服

○人參散 治熱乘心脾煩熱乾渴

人參 麥門冬 赤茯苓 地骨皮 乾葛 黃芩炒

犀角鎊各一錢 甘草五分 ●右水煎

○竹茹湯 治妊娠煩燥或胎不安淡竹茹一兩水煎服之

○益母丸 知母炒為末棗肉丸彈子大每服一丸人參煎湯下

附方

○分氣飲 治脾胃虛弱氣血不和胸膈不利或痰氣喘嗽飲食思

陳皮 茯苓 半夏炒 桔梗炒 大腹皮 紫蘇梗

枳殼炒 白朮炒 山梔炒各一錢 甘草五分 ●右薑水煎服

○紫蘇飲 方見十二卷第八論

○二陳湯 方見二十四卷第五論

○六君子湯 ○補中益氣湯 二方見二十四卷第六論

○妊娠煩燥口乾方論第十

足太陰脾之經其氣通於口手少陰心之經其氣通於舌若臟腑不調氣血不和以致內熱乘於心脾津液消燂故心煩口乾也與子煩大同小異宜用益母丸

愚按前症若胃經實火用竹葉石膏湯若胃經虛熱用人參黃芪散若胃經氣虛用補中益氣湯若肺經虛熱用紫蘇飲若肝經火動用加味道遙散若脾氣鬱結用加味歸脾湯若腎經火動加味地黃丸

附治驗

一姪婦煩熱兼咽間作痛用知母散加山梔以清肺經而愈後內熱咳嗽小便自遺用補中益氣加麥門山梔以補肺氣滋腎水而痊

○知母散 治煩燥悶亂口乾

知母 麥門冬 黃芪炒 干苓炒 赤茯苓各一錢

甘草 ●右水煎入竹瀝一合更煎二沸而服

○人參黃芪散 治身熱煩燥口乾

人參 黃芪炒 葛根 秦艽 赤茯苓 麥門冬各一錢

知母 甘草五分 ●右薑三片竹葉二七片水煎

補遺人參白朮散黃芪六一湯皆良

附方

○竹葉石膏湯

石膏一錢五分 甘草 人參各一錢 麥門冬 竹葉各五分

右薑水煎服

○補中益氣湯 方見二十四卷第六論

○紫蘇飲 方見十二卷第八論

○加味道遙散

○加味歸脾湯 二方見二十四卷第四論

○加味地黃丸 方見二十四卷第十一論

婦人良方卷之十三 終

三刻太醫院補註婦人良方大全卷之十四

○妊娠中風方論第一

論曰四時八方之氣爲風也常以冬至之日候之若從其鄉來者長養萬物否則名爲虛邪賊害萬物體虛中之客於皮膚則頑痺不仁入於筋脉則攣急啞僻若兼濕熱則弛縱痿軟若入臟腑氣隨所傷經絡而爲諸病妊娠中之必須早治庶免墮胎之患

愚按病機要云風本爲熱熱勝則風動宜以靜勝其燥是亦養血也治法須少汗亦宜少下多汗則虛其衛多下則損其榮雖有汗下之戒而有中臟中腑之分中腑者多着四肢則脉浮惡寒拘急不仁中臟者多着九竅則唇緩失音耳聾鼻塞目瞽便秘中腑者宜汗之中臟者宜下之表裏已和宜治在經當以大藥養之此



中風之要法妊婦患之亦當以此釀治而佐以安胎之藥仍參三  
卷首論主治為是

○防風散 治妊娠中風卒倒口噤肢強或痰氣上升

防風 桑寄生 葛根各五分 家菊花 細辛 防已

秦艽 羚羊角錢 當歸 桂心 茯神 甘草各三分

右水煎入竹瀝半合服

○白朮酒 治妊娠中風口噤不語

白朮一兩 獨活一兩 黑豆一合

右酒煎分四服灌之得汗即愈

補遺治妊娠中風排風湯續命湯參蘇湯加羌活引風湯皆可選用

方見第三  
卷中風類

○妊娠風瘕方論第二

論曰妊娠體虛受風而傷足太陽經遇風寒相搏則口噤背強甚則  
腰及張名之曰瘕須臾自醒良久復作又名子癇子冒當審察其因  
而治之

愚按前症若心肝風熱用釣藤湯肝脾血虛加味道遙散肝脾鬱  
怒加味歸脾湯氣逆痰滯紫蘇飲肝火風熱釣藤散脾施痰滯二  
陳薑汁竹瀝若兼症相雜當參照子煩門

附治驗

一妊婦出汗口噤腰背反張時作時止此怒動肝火也用加味道遙  
散漸愈又用釣藤散而止更以四君加釣藤山梔柴胡而安  
一妊婦因怒忽仆地良久而甦吐痰發搐口噤項強用羚羊角散漸

言補如人良方 十四卷  
愈更用釣藤散始痊又用歸脾湯而安

○羚羊角散 治姪娠冒悶角弓反張名曰子癇風瘧

羚羊角鎊 獨活 酸棗仁炒 五加皮 薏苡仁炒 防風

當歸酒浸 川芎 杏仁去皮尖 茯神去木各五分 木香 甘草灸各二分

右薑水煎

附方

○釣藤湯 方見十二卷第四論

○加味逍遙散 ○加味歸脾湯 二方見二十四卷第四論

○紫蘇飲 方見十二卷第八論 ○釣藤散 方見四卷第四論

○二陳湯 方見二十四卷第五論

○四君子湯 方見二十四卷第六論

○姪娠瘈瘲方論第三 新附

竊謂瘈者筋脉急而縮也瘲者筋脉緩而伸也一縮一伸手足相引  
搐搦不已大抵與嬰孩發搐相似謂之瘈瘲也此症多屬風蓋風主  
搖動絡龍吉云心主脉肝主筋心屬火肝屬木火主熱木主風風火  
相熾則為瘈瘲也治法若因風熱用釣藤湯加柴胡山梔黃芩白朮  
以平肝木降心火養氣血若風痰上湧加竹瀝南星半夏若風邪急  
搐加全蠍僵蠶虧損氣血用八珍湯加釣藤山梔為主若無力抽搐  
戴眼反折汗出如珠者肝氣絕也皆不治

附治驗 方藥

一姪婦四肢不能伸服祛風燥血之劑遺屎痰甚四肢抽搐余謂肝  
火血燥用八珍湯加炒黑黃芩為主佐以釣藤湯而安後因怒前

症復作小便下血寒熱火寐飲食少思用釣藤散加山梔柴胡而血止用加味逍遙散寒熱退而得寐用六君子湯加芍藥釣藤飲食進而漸安

○八珍湯

方見二十四卷第四論

○六君子湯

方見二十四卷第六論

○姪鬼胎方論第四

夫人臟腑調和則血氣充實精神健旺若榮衛虛損精神衰弱妖魅之類乘之亦如懷姪之狀故曰鬼胎也

愚按前症因七情脾肺虧損氣血虛弱行失常道衝任乖違而致之者乃元氣不足病氣有餘也若見經候不調就行調補庶無是症治法以補元氣為主而佐以雄黃丸之類行散之若脾經鬱結氣逆者用加味歸脾湯調補之若脾虛血不足者用六君芩歸培養之肝火血耗者用加味逍遙散滋抑之肝脾鬱怒者用加味歸脾逍遙二藥兼服腎肝虛弱者用六味地黃丸

附治驗

一婦人經閉八月肚腹漸大面色或青或黃用胎症之藥不應余診視之曰面青脉濇寒熱往來肝經血病也面黃腹大小食體倦脾經血病也此鬱怒傷脾肝之症非胎也不信仍用治胎散之類不驗余用加味歸脾逍遙二藥各二十餘劑諸症稍愈彼欲速効別服通經丸一服下血昏憤自汗惡寒手足俱冷嘔吐不食余用人參炮薑二劑漸愈又用十全大補湯五十餘劑而安

○雄黃丸

治鬼胎瘀血腹痛

雄黃

鬼白去毛

莽草

丹砂細研

巴豆

去油皮

獾肝炙黃各半兩

蜥蜴一枚炙黃

蜈蚣一條炙黃

右為末蜜丸桐子大每服二九空心溫酒下日二服或下如蛇蟲之類其病乃除

治鬼胎及血氣痛不可忍

班貓

去頭翅足製

延胡索炒各等分

右為末以溫酒調下半錢以下穢物為度

附方

○加味歸脾湯 ○加味逍遙散

○十全大補湯 三方見二十四卷第四論

○六君子湯 方見二十四卷 ○六味丸 方見二十四卷第十一論

○妊娠傷寒方論第五

夫時令嚴寒體虛所傷即成傷寒輕者洒淅惡寒翕翕發熱微咳塞數日而愈重者頭疼體痛寒熱交作久而不愈者多致傷胎也

愚按前症為害匪輕當審經絡表裏而治之不可輕忽

○加減四物湯 治妊婦腹痛或月事不調胎氣不安產後血塊或

亡血過多或惡露不下

當歸

川芎

白芍藥

熟地黄

各一兩

右每服四五錢水煎日二三服下血加艾葉阿膠虛熱口乾加括萎根麥門冬兼血腹痛加當歸芍藥血崩血淋加熟地蒲黃因熱生風加川芎柴胡頭昏項強加柴胡黃芩大便秘結加大黃桃仁嘔吐惡心加白朮人參虛煩不眠加竹葉人參煩躁大渴加知母

石膏水停吐逆加猪苓茯苓鹿煩傷寒加人參柴胡防風

○阿膠散 治時氣先服此以安胎却以主藥間服

阿膠多 白木炒 桑寄生 人參 白茯苓

右為末等分每服一錢用糯米飲調下日三服

○前胡湯 治傷寒頭痛壯熱肢節煩疼

石膏錢一 前胡 甜竹茹 梔子炒 黃芩炒 大青

知母各五分 右用葱白水煎服

○蘇木湯 治傷寒時行洒淅寒振或兼噦者

赤芍藥 橘紅 黃芩炒 黃連 甘草 蘇木各五分

右用水煎服汗出即瘥如胎不安兼服阿膠湯

○黃龍湯 治妊婦寒熱頭疼嘔嘔不食脇痛嘔痰及產後傷風熱

入胞宮寒熱如瘧或經水適來勞復熱不解散

柴胡錢二 黃芩炒 人參 甘草各一錢 用水煎服

○柴胡石膏湯 治頭痛惡寒身熱拘急口乾

柴胡錢二 甘草錢一 石膏錢三 ●用薑水煎服氣虛加人參

○枳實散 治傷寒四日至六日腹脹少食腰疼體重

枳實炒 陳皮錢一 麥門冬半錢 ●用生薑葱白水煎服

○旋覆花湯 治傷寒頭目旋疼壯熱心躁

旋覆花 赤芍藥 甘草各五分 前胡 石膏各一錢 白木

人參 麻黃去根 黃芩各三分 ●右用薑水煎服

○麥門冬湯 治傷寒壯熱嘔逆頭疼胎氣不安

人參 石膏各一錢半 前胡 黃芩各五分 麥門冬 葛根各一錢

右薑棗竹茹一分用水煎服

○梔子大青湯 治發斑變黑尿便血

升麻 梔子各一錢 大青 杏仁 黃芩各三分

右用葱白三寸水煎服

○白朮湯 治傷寒煩熱頭痛胎動或時吐逆不食

白朮 橘紅 麥門冬 人參 前胡 赤茯苓

川芎 甘草 半夏各五分

右用生薑竹茹一分水煎服

○良方白朮散 治傷寒

白朮 黃芩炒各二錢

右用薑棗水煎服若四肢厥逆陰症也不可用

○芩蘇散 治外感風寒壯熱頭疼心胸煩悶

紫蘇葉 川芎 白朮 白芍藥 麥門冬去心 東皮

乾葛各五分 甘草炙三分 ●右用生薑葱白水煎

○參蘇飲香去木 治證同前 方見六卷第十二論

○妊娠時氣方論第六

論曰四季之間非其時而有其氣謂春寒夏冷秋熱冬煖之不正也所感者不拘長少其症相類故云時氣妊娠患之重者多致傷胎愚按前症與前傷寒互相主治

○秦芩散 治時氣五六日不得汗口乾飲水狂言嘔逆

秦芩 柴胡各五分 石膏一錢 犀角鎊 赤茯苓 前胡

甘草 葛根 升麻 黃芩各四分

右用淡竹茹一分水煎服

○葛根飲子 治時氣煩熱口乾頭痛

麻黃去節 乾葛各半 石膏一兩 豉一合 白米半 梔子二七

葱白二 ●右用水煎分三服汗出為効

○清熱飲子 治時氣六七日大小便不利

芒硝一兩 葵子二

右如前煎服以利為効芒硝即朴硝

○人參敗毒散 方見二十四卷第十論

○妊娠熱病方論第七

冬時觸冒嚴寒即病為傷寒藏於肌骨夏至發為暑病即熱症也妊娠患之多致墮胎熱病與中暑相似但熱病者脈實中暑者脈虛治

當審察不可槩施

○愚按此症與前後三症同治

○治妊娠熱病頭痛嘔吐煩悶

人參無一方 竹茹 葛根各一兩 蘆根二兩 知母三兩

麥門冬去心一兩半 ●右每服四錢連根葱白三寸水煎

○梔子仁飲 治熱病發斑黑色小便如血氣喘急胎欲落

梔子 升麻 生地黄 石膏各二錢 黃芩 大青各兩

右每服半兩葱白七寸豉四十九粒水煎

○大黃飲 治熱病六七日大小便秘澀

大黃 石膏各一兩 知母 前胡 赤茯苓各三分

梔子 甘草 黃芩各半兩

右每服五錢生地一分煎服

又方伏龍肝細研每服一錢水調下外用水調塗臍下

又方葛根煮汁時服一盞

補遺蘆根湯 治熱病頭疼心煩嘔吐

知母四兩

青竹茹三兩

右每服五錢生蘆根一握糯米一撮水煎

○梔子五物湯 治妊婦傷寒壯熱頭痛

梔子

前胡

知母各二兩

黃芩一兩

石膏四兩

右每服五錢用水煎服

○升麻六物湯 治傷寒斑黑溺血

升麻

梔子各二兩

大青

杏仁

黃芩

右每服五錢葱頭水煎

○妊娠傷寒熱病防損胎方論第八

論曰非節之氣傷於妊婦熱毒侵損胞胎若不早治多致墮胎漏血則子母之命亦不能全矣

愚按前症當分察六經為主而參於前後方論

○治妊娠傷寒身痛壯熱

葱白切一升

前胡

葛根

石膏各十分

青黛六分

升麻八分

梔子十二兩

●右用水煎分三服

○治妊娠傷寒大小便秘結

前胡十分

大黃

石膏各二分

梔子仁十枚

知母

黃芩

茯苓

生薑各八分

●右用水煎分三服



○治妊娠傷寒發斑忽黑小便如血胎欲落

梔子 升麻各四兩 青黛二兩 石膏八兩 黃芩三兩 葱白切一升

生地黄二十枚 右用水煎分三服忌熱物

又用井中泥塗心下乾則易二方出本事再錄有效

補遺治妊娠熱病先以白朮散安胎方見前

○妊娠熱病胎死腹中方論第九

論曰熱病以致胎死不能出者但服黑神散胎自下矣

愚按陳無擇先生曰前症當視產母若面赤舌青知其子死面青

舌赤知母死子生唇青吐沫子母俱死若雙胎或一死一活用黑

神散竊謂前症宜補助產母使其胎自下黑神散恐其大熱不宜

輕用果一胎已死者用平胃散朴硝水銀下之最為穩當庶不併

傷生者平胃散方見後

○黑神散 又名烏金散虛花方名肉桂散

桂心 當歸 芍藥 甘草炙

乾薑炒 生地黄各一兩 黑豆炒去皮二兩 附子炮去皮

右為末每服二錢空心用溫酒調下

補遺胎死用紅花酒煮汁飲二三碗

又方伏龍肝為末溫酒調下二錢白湯亦可

又方朴硝末童子小便和熱酒調下三錢立出

○妊娠瘧疾方論第十

論曰妊娠病瘧乃夏傷於暑客於皮膚至秋而發陽盛則熱陰盛則

寒陰陽相離寒熱俱作其發晏者由風邪客於風府循督而下衛氣

至一日一夜常大會於風府故發日晏與早者衛氣之行風府日下  
一節二十一日下至尾氈二十二日入脊肉上注於伏衛之脉其行  
九日出缺盆其氣既止故發更早其間日發者風邪內搏五臟橫連  
募原其道遠其氣深其行遲不能日作也如娠而發多傷於胎  
愚按前症因脾胃虛弱飲食停滯或外邪所感或鬱怒傷脾或暑  
邪所伏審係飲食停滯用六君子加桔梗蒼朮藿香外邪多而飲  
食少用藿香正氣散外邪少而飲食多用人參養胃湯勞傷元氣  
用補中益氣湯若鬱怒所傷用小柴胡兼歸脾湯若木侮土久而  
不愈用六君子為主佐以安胎藥乃參三陰三陽經而治之

附治驗

一婦人因怒發瘧舉發無期久而不已胸腹不利飲食少思吞酸吐

痰用六君子加柴胡山梔二十餘劑尋愈但肺熱少食又用四君  
子加柴胡升麻為主佐以逍遙散而痊

一妊婦瘧久不已噯氣下氣胸腹膨脹食少欲嘔便血少寐此屬肝  
脾鬱怒用歸脾湯加柴胡山梔漸愈又用六君子湯加柴胡山梔  
一妊婦患瘧已愈但寒熱少食頭痛嘔熱內熱此脾虛血弱也用補  
中益氣湯加蔓荊子頭痛頓止又用六君子湯加芎歸飲食頓進  
再用逍遙散加參朮而寒熱愈

○七寶散 治瘧疾一日一發或一日兩發或間日一發

常山 厚朴薑製 青皮 陳皮並去白

甘草炒 檳榔 草菓等分

右每服半兩酒水各一碗煎至一盞去粗露一宿發時面東溫服

良久再服一妊婦先寒後熱六脉浮緊用前散一劑而愈

○人參養胃湯 治妊娠瘧疾寒多熱少或但寒不熱頭痛惡心身

痛面色青白脉弦遲者又有驅邪散治證亦同方見七卷第十八論

○清脾湯 治妊娠瘧疾寒少熱多或但熱不寒口苦舌乾大便秘

澀不進飲食脉弦數者

青皮 厚朴薑製 白朮炒 草薢 茯苓 半夏炒

黃芩 柴胡 甘草炙 ●右用薑水煎

附方

○交加散 治食瘧神効

肉豆蔻二箇一煨 草豆蔻二箇一煨 甘草二錢半炒 厚朴二錢半炒

生薑一兩半煨 ●右用薑水煎發日五更服

○仲景白虎加桂枝湯 治溫瘧

知母六錢 桂枝 黃芩各一錢 栝蔞根二錢炙 牡蠣

乾薑各一錢 ●右用水煎服汗出即愈此少陽經藥也

○桂枝羌活湯 治瘧處暑以前頭痛脉浮惡風有汗

桂枝 羌活 防風 甘草各一錢五分

右水煎發服吐加半夏麩

○麻黃羌活湯 治症如前但惡寒無汗

麻黃去 羌活 防風 甘草各半兩

右如前服加法同二方太陽經藥也

○白芷湯 治瘧身熱目痛熱多寒少脉長先以大柴胡下之微利

為度餘熱不盡當服此湯

白芷 一兩

知母 一兩七錢

石膏 四兩

右粗末依前服陽明經藥也

○桂枝芍藥湯

治瘧寒熱不論先後此太陽陽明合病寒熱作則必戰經曰熱勝而動也發熱則必汗泄經曰汗出不愈知內熱也乃陽盛陰虛之證此湯主之否則久而傳於陰經矣。

桂 五分

黃芪 炒

知母

石膏

芍藥 各二分

右粗末水煎此太陽陽明經藥也

○桂枝黃芩湯

如服前藥轉其三陽合病也宜此和之

柴胡 五分

黃芩

人參

甘草 各八分

半夏

石膏

知母 各五分

右每粗末依前服如外邪已解而內未已再服下藥從邪至午發

大柴胡下之從午至酉發邪氣在內也大承氣下之從酉至子發

或至寅發邪氣在血也桃仁承氣湯下之微利後更以小柴胡湯

微其邪氣按此太陽陽明少陽經藥也以上諸方並係發風寒暑

熱之氣自外而入中於三陽之經者也

○桂枝石膏湯

治瘧疾隔日先寒後熱寒少熱多

桂枝 五錢

石膏 五兩

知母 一兩五錢

黃芩 一兩

右分三服水煎此太陽陽明經藥也隔日發者邪氣所舍深者也

○麻黃黃芩湯

治瘧發如前症而夜發者

麻黃

一兩去節

甘草 錢三

黃芩 五錢

桂 二錢

桃仁 三十箇

去皮尖

右依前服桃仁味苦甘辛肝者血之海血驟則肝氣燥經所謂肝

苦急急食甘以緩之故桃仁散血緩肝謂邪氣深遠而入血故夜

言補婦人良方 一四卷  
發乃陰經有邪此湯發散血中風寒治風暑深入陰分乃血受病邪氣所舍尤深者也麻黃桂枝桃仁等乃太陰經血藥非三陰經藥也

附方

○四君子湯

○六君子湯

○補中益氣湯

三方見二十四卷第六論

○藿香正氣散

方見二十一卷第十論

○人參養胃湯

方見七卷第十八論

○小柴胡湯

方見二十四卷第二論

○逍遙散

○加味歸脾湯

二方見二十四卷第四論

○姪娠霍亂方論第十一

夫飲食過度觸胃風冷陰陽不和清濁相干謂之霍亂其間或先吐或腹痛吐利是因於熱也若頭痛體疼發熱是挾風邪也若風折皮膚則氣不宣通而風熱上衝為頭痛若風入腸胃則洩利嘔吐甚則手足逆冷此陽氣暴竭謂之四逆姪娠患之多致傷胎也

愚按前症若因內傷飲食外感風寒川藿香正氣散若因飲食停滯用平胃散果脾胃頓傷陽氣虛寒手足逆冷者須用溫補之劑治當詳審毋使動胎也

附治驗

一姪婦霍亂已止但不進飲食口內味酸泛行消導寬中余曰此胃氣傷而虛熱也當用四君子湯彼不信乃服人參養胃湯嘔吐酸水其胎不安是藥復傷也仍與四君子湯俾煎熟令患者先嗅藥氣不作嘔則呷少許恐復嘔則胎為鈞動也如是旬餘而愈

○人參散

治脾胃虛寒霍亂吐瀉心煩腹痛飲食不入

人參 厚朴薑製 橘紅各一錢 當歸 乾薑炮 甘草各五分  
右用棗水煎服

○人參白朮散 治脾胃虛弱吐瀉或吐瀉作渴不食  
白朮 茯苓 人參 甘草炒 木香 藿香各五分

乾葛錢一 ●右用水煎服吐甚加生薑汁煩飲之  
○縮脾飲 解伏熱除煩渴消暑毒止吐瀉宜沉冷煩服

草菓仁四兩 烏梅肉三兩 甘草炒二兩半  
右每服半兩用薑十片水煎

○木瓜煎 治吐瀉轉筋悶絕  
吳茱萸湯泡七次 生薑切各一分 木瓜木刀切兩半  
右每服二三錢用水煎

治霍亂其効神速一方有黃連無扁豆仍與第二論通用妊婦霍亂  
腹痛四肢冷逆汗脉細理中湯治之傷食加陳皮寒甚脉欲絕陰  
症悉具加炮附子 方見二十卷

○竹茹湯治霍亂熱渴脉數 見七卷嘔吐門  
附方

○藿香正氣散 方見二十一卷第十論

○平胃散 方見七卷第十八論

○四君子湯 方見二十四卷第六論

○人參養胃湯 方見七卷第十八論

○五苓散 方見二十一卷第十論

○理中丸 方見二十卷第八論

丁補婦人良方 十四卷 十五

言補女  
○香薷飲

方見七卷第二論

三刻太醫院補註婦人良方大全卷之十五

古吳 立齋薛 巳 補註

書林 公仁余元長 重訂

○妊娠泄瀉方論第一

論曰妊娠泄瀉或青或白水穀不化腹痛腸鳴謂之洞泄水穀不化  
喜飲嘔逆謂之協熱下利並以五苓散利小便次以黃連阿膠丸或  
三黃熟艾湯以安之若瀉黃有沫腸鳴腹痛脈沉緊數用戊己丸和  
之噯腐不食胃脈沉緊用感應丸下之後調和脾胃若風冷水穀不  
化如豆汁用胃風湯寒冷臍下陰冷動泄用理中湯治中湯伏暑心  
煩渴瀉水用四苓散傷濕泄瀉小便自利用不換金正氣散胃苓湯  
此四證之大畧也仍參第八卷第八論主之

愚按米食所傷用六君加穀蘖麩食所傷用六君加麥蘖肉食所傷用六君加山查若兼寒熱作嘔乃肝木侮脾土用六君加柴胡生薑兼嘔吐腹痛手足逆冷乃寒水侮土六君加薑桂不應錢氏益黃散若元氣下陷發熱作渴肢體倦怠用補中益氣湯若泄瀉色黃乃脾土之真色用六君加水香肉果若作嘔不食腹痛惡寒乃脾土虛寒用六君加水香薑桂若瀉在五更清晨飲食少思乃脾腎虛弱五更服四神丸日間服白朮散如不應或愈而後作或飲食少思急用八味丸補命門火以正為善此下本有不可忽也

附治驗

邊太常側室姪娠泄瀉自用枳朮黃連之類腹悶吐痰發熱惡寒飲食到口卽欲作嘔強匙許卽吞酸不快欲用祛痰理氣余曰此

因脾胃傷而痰滯中脘若治痰氣復傷胃矣遂以參朮炮薑為

末丸如黍粒不時含嚥三五丸漸加至三日後日進六君子湯而尋愈

進士王繼徵之內懷姪泄瀉惡食作嘔余曰脾氣傷也其內憂之強進米飲余謂飲亦能傷胃且不必強俟脾胃醒宿滯自化飲食自進不信別用人參養胃湯飲之吐水酸苦又欲投降火寒藥余曰若然則胃氣益傷也經云損其脾胃者調其飲食適其寒溫後不藥果愈

○厚朴丸 治洞泄寒中

乾薑炒 厚朴去皮

右水拌炒為末水糊丸梧子大每服五十九丸米飲下



○草菓散 治虛寒泄瀉腹痛無度

厚朴薑汁拌炒二兩 肉豆蔻十箇麵煨 草豆蔻十箇煨

右每服三錢用薑水煎

附方

○附子理中湯 方見二十卷第八論

○理中丸 ○五苓散 二方見二十一卷第十論

○六君子湯 ○補中益氣湯 二方見二十四卷第六論

○錢氏益黃散 方見二十一卷第九論

○四神丸 方見八卷第八論

○七味白朮散 方見二十一卷第二論

○八味丸 方見二十四卷第十一論

○妊娠下痢黃水方論第二

論曰妊娠飲食生冷脾胃不能消化致令心腹疼痛若血分病則色赤氣分病則色白血氣俱病則色赤白相雜若熱乘大腸血虛受病則成血痢也

愚按治痢之法當參前篇其下黃水乃脾土虧損真色下陷也當補益中氣若黃而兼青乃肝水尅脾土宜平肝補脾若黃而兼白乃子令母虛須補脾胃若黃而兼黑是水反侮土矣必須補脾胃若黃而兼赤乃心母益子但補中益氣若腸胃虛弱風邪客之用胃風湯或胎氣不安急補脾胃而自安矣凡安胎之藥當臨病制宜不必拘用阿膠艾葉之類

附治驗

地官胡成甫之內妊娠久痢自用消導理氣之劑腹內重墜胎氣不安又用阿膠艾葉之類不應余曰腹重墜下元氣虛也胎動不安內熱盛也遂用補中益而安又用六君子湯全愈

○治妊娠利黃水

厚朴

薑汁炙 二兩

黃連

二兩

肉豆蔻

五箇 連皮

右用水煎徐徐服忌如前

已上六方 並出產寶

○治妊娠熱痢

黃連

一升

黃蘗

一升

梔子仁

二十枚

右用每服五錢水煎嘔加橘皮生薑

○治妊娠下痢腹痛小便澀滯

糯米

一合

當歸

炒

黃芪

各一兩

右用水煎分四服

○治臨產下痢用梔子炒為末每服二錢白湯調甚效

附方

○胃風湯 方見十二卷第九論

○補中益氣湯 方見二十四卷第六論

○妊娠大小便不通方論第三

夫妊娠大小便不通由臟腑之熱所致若大腸熱則大便不通小腸熱則小便不利大小腸俱熱更推其因而藥之

愚按前症若大腸血燥用四物湯加條芩桃仁大腸氣滯用紫蘇飲加杏仁條芩腸胃氣虛用六君子加紫蘓杏仁肝脾蘊熱用龍膽瀉肝湯心肝虛熱用加味逍遙散加車前子

附治驗

亞卿李浦汀側室姪娠大小便不利或用降火理氣之劑元氣反  
虛肝脉弦急脾脉遲滯見其面色青黃不澤余曰此鬱怒所致也  
用加味歸脾湯為主佐以加味道遙散而安

主政王天成之內姪娠痢疾愈後二便不通其家世醫自用清熱  
之劑未効余診其脉浮大而濇此氣血虛也朝用八珍湯加桃仁  
杏仁夕用加味道遙散加車前子而瘥

○當歸散 治姪娠因怒肚腹脹痛四肢浮腫氣急作喘大便難小  
便澁產門腫

- 當歸五分 赤茯苓 枳殼炒 白芍藥 川芎各一分 白薑炮
- 木香煨 粉草各三分

右用薑水煎氣弱枳殼煨半大便秘加密同煎

治姪娠大小便不通腹脇痞悶不思飲食

- 大黃炒 水通 檳榔各一分 枳殼炒 訶梨勒四箇去核
- 大腹子三核

右為末用童便一盞葱白二寸煎六分調服二錢

初虞世治姪娠風氣大便秘澁

- 枳殼三兩 防風二兩 甘草炙一分

右為末每服一二錢空心用白滾湯調日三服  
小品治姪娠小便不利氣急服猪苓散不瘥用甘草為末蜜和服豆  
許微利之未利再服利後仍服猪苓散

○猪苓散 治姪娠小便澁痛及胎水猪苓去皮為末白湯調下錢

許加至二錢日三夜二服

○又方車前子一兩大黃半兩炒為末每服三錢蜜湯調

附方

○四物湯 ○六君子湯 二方見二十四卷第六論

○紫蘇湯 方見二十四卷第八論

○龍膽瀉肝湯 方見二十四卷第八論

○加味逍遙散

○加味歸脾湯

○八珍湯 三方見二十四卷第四論

○妊娠小便不通方論第四

夫妊娠小便不通為小腸有熱傳於膀胱而不通耳若無心脾氣滯則

致喘急陳無擇云妊娠胎滿逼胞多致小便不利若心腎氣虛清濁

相干而為諸淋若胞系了戾小便不通名曰轉胞若胎滿尿出各曰

遺尿

愚按丹溪先生轉脬小便閉多因胎婦虛弱憂悶性躁食味厚古

方用滑利燥導藥鮮効若脬為胎所墜而不通但升舉其胎胞系

踈而小便自行若臍腹作脹而小便淋閉此脾胃氣虛胎壓尿胞

四物二陳參朮空心服後探吐數次自安竊謂前症亦有脾肺氣

虛而不能下輸膀胱者亦有氣熱鬱結膀胱津液不利者亦有金

為火燥脾土濕熱甚而不利者更當詳審施治

附治驗

司徒李杏岡仲子室孕五月小便不利諸藥不應余曰非八味丸

不能救不信別用分利之藥肚腹腫脹以致不起

儒者王文遠室患此小腹脹腫幾至於殆用八味丸一服小便滴  
瀝再以前丸之料加車前子一劑即利肚腹頓定而安

○八味丸 治婦人飲食如故煩熱不得卧反倚息因脾系了戾不  
得溺名轉脬但利小便則愈蓋此藥有茯苓故也緩則不救方見

四卷第  
十一論

古今錄驗妊娠小便難飲食如故

當歸 貝母去心炒 苦參各三兩 滑石半兩

右為末用蜜丸小豆大每服二三十丸米飲下

治妊娠不通臍下妨悶心神煩亂

葵子研 榆柏皮切各一兩 葱白七莖 右水煎分三服

古今錄驗妊娠不得小便杏仁去皮尖炒黃搗丸燈心湯吞七粒

又方滑石末水和用塗臍下

又方用車前草汁調滑石末塗臍周圍四寸熱易之

又方搗杏仁入滑石末飯丸小豆大每服二十九丸白湯下

又方用紫苑為丸井花水調下二錢

葵子散 治妊娠小便不利身重惡寒眩暈及水腫用葵子五兩赤

茯苓五兩為末每服二錢米飲調

附方

○四物散 方見二十四卷第六論

○二陳湯 方見二十四卷第五論

○妊娠子淋方論第五

妊娠小便淋者乃腎與膀胱虛熱不能制水然妊婦胞繫於腎腎間虛熱而成斯症甚者心煩悶亂名曰子淋也

愚按前症若頸項筋攣語澹痰甚用羚羊角散若小便澹少淋瀝用安榮散若肝經濕熱用龍膽瀉肝湯若肝經虛熱用加味道遙散腿足轉筋而小便不利急用八味丸緩則不救若服燥劑而小便頻數或不利用生地茯苓牛膝黃柏知母芩歸甘草若頻數而色黃用四物加黃柏知母五味麥門玄參若肺氣虛而短少用補中益氣加山藥麥門若陰擬痿痺而頻數用地黃丸若熱結膀胱而不利用五淋散若脾肺燥不能化生宜黃芩清肺飲若膀胱陰虛陽無所生用滋腎丸若膀胱陽虛陰無所化用腎氣丸

附治驗

一婦人每怒發熱腸脹小便澹澹如遇經行旬餘未已受胎三月因怒前症復作朝用加味道遙散夕用安胎飲各二劑而安五月又怒復下血如經行四日未止仍用前藥而愈

一妊娠飲食後因惱怒寒熱嘔吐頭痛惡寒胸腹脹痛大便不實其面青色小便頻數時或有血服安胎止血之劑益甚余曰寒熱嘔吐而腹脹此肝木尅脾土而元氣傷也大便不實而面青此飲食傷脾兼肝侮土也小便頻數而有血此肝熱傳胞而無擬痿也用六君子加枳殼紫蘇山梔二劑脾胃頓醒又用加味道遙散加紫蘇枳殼二劑小便頓清後節飲食調理而安

○地膚大黃湯 治子淋

大黃炒

地膚

各三兩

知母

黃芩

炒

猪苓

赤芍藥

言初效人比方  
十五卷  
通草 升麻 枳實炒 甘草各三兩

右每服四五錢水煎服

○安樂散 治子淋甚妙

麥門冬去心 通草 滑石 當歸 燈心 甘草

人參 細辛各五分 右水煎服

○治小便淋痛心煩悶亂

藿麥穗 赤茯苓 桑白皮 水通 葵子各錢 黃芩炒

芍藥 枳殼 車前子炒各五分 右水煎服

○治小淋小便澀痛

冬葵子 滑石 水通各等分

右每服四五錢葱白七寸水煎

附方

○羚羊角散 方見四卷首論

○龍膽瀉肝湯 方見二十四卷第八論

○加味道遙散

○四物湯 二方見二十四卷第四論

○六味丸 ○八味丸 二方見二十四卷第十一論

○腎氣丸 即六味丸

○六君子湯 ○補中益氣湯 二方見二十四卷第六

○五淋散 ○滋腎丸

○黃芩清肺飲 三方見八卷第一論

○安胎飲 方見十二卷第二論

○妊娠遺尿方論第六

妊娠尿出不知用白薇芍藥為末酒調下或白礬牡蠣為末酒調二錢或鷄毛灰末酒服一匕或灸桑螵蛸益智子仁為末米飲下

愚按前症若脬中有熱宜用加味逍遙散若脾肺氣虛宜用補中益氣湯加益智若肝腎陰虛宜用六味丸

附治驗方藥

一 妊婦遺尿內熱肝脈洪數按之微弱或兩太陽作痛脇肋作脹余以為肝火血虛用加味逍遙散六味地黃丸尋愈後又寒熱或發熱或悲怒前症仍作用八珍散逍遙散兼服以清肝火養肝血而痊

附方

○加味逍遙散

○八珍湯

二方見二十四卷第四論

○補中益氣湯

方見二十四卷第六論

○六味地黃丸

方見二十四卷第十一論

○妊娠尿血方論第七

妊娠尿血內熱乘於血分以致血熱流滲於脬各子淋用葵子一升研細水五升煮二升分三服或生艾葉一斤酒五升煮二升分三服或生地黃一斤酒四升煮二升分三服亦治落產後下血

愚按前產因怒動火者宜小柴胡加山梔因勞動火者宜補中益氣湯若因厚味積熱宜用加味清胃散若因肝經血熱宜用加味逍遙散若因脾氣下陷宜用補中益氣湯若因脾虛血熱宜用加味逍遙散



附治驗

一妊婦因怒尿血內熱作渴寒熱往來胸乳間作脹飲食少思肝脈  
弦弱此肝經血虛而熱也用加味逍遙散六味地黃丸兼服漸愈  
又用八珍湯加柴胡丹皮山梔而痊

○續斷湯 治妊娠下血及尿血

當歸

生地黄各一兩

續斷半兩

赤芍藥五錢

右為末每服二錢空心用葱白煎湯調下

治妊娠尿血

阿膠

炒為末 四兩

熟地黃

用生者四兩酒拌蒸熟杵碎

右和丸桐子大每服七八十九空心粥飲下

○五苓散

去桂加阿膠 炒同為粗末

每四錢川車前子白茅根水煎溫服

○又方白茅根濃煎湯吞酒蒸黃連丸

附方

○小柴胡湯

方見二十四卷第二論

○補中益氣湯

方見二十四卷第六論

○加味清胃散

方見二十四卷第一論

○加味逍遙散

○加味歸脾湯

方見二十四卷第四論

○妊娠治水腫蒲方論第八

產乳集云妊娠三月足腫至腿出水飲食不甘似水腫謂之子氣至  
分娩方消若此脾胃氣虛或衝任經有血風名醫錄云朱少玉元微  
與徐文伯徵行學鍼法文伯見一妊婦足腫脉之少玉曰此女形也  
文伯曰此鬼胎也在左而黑遂用鍼胎下果然亦有脾虛水氣流溢

或因瀉痢臟腑虛寒或因瘧疾飲下脾虛濕漬或因水漬於胞不能分利皆致腿足胫腹腫症也

愚按前症若胸滿腹脹小便不通遍身浮腫用鯉魚湯脾胃虛弱佐以四君子若面目虛浮肢體如水氣用全生白朮散如未應用六君子湯脾虛濕熱下部作腫用補中益氣加茯苓若飲食失宜嘔吐泄瀉用六君子湯若腿足發腫喘悶不安或指縫出水用天仙藤散脾胃虛弱兼四君子湯如未應用補中益氣湯若脾肺氣滯用加味歸脾湯佐以六味逍遙散

附治驗

一妊娠每胎至五月肢體倦怠飲食無味先兩足腫漸至遍身後及頭面此是脾肺氣虛朝用補中益氣夕用六君子加蘇梗而愈凡

治妊娠毋泥月數但見某經症即用本藥為善

○天仙藤散 治婦人有水氣而成胎以致兩腿足浮腫

天仙藤洗畧炒 香附子炒 陳皮 甘草 烏藥軟小者疎者良各伍分

右每服五錢生薑木瓜蘇葉各三片水煎日三服

○澤瀉散 治妊娠遍身浮腫上氣喘急大便不通小便赤澀

澤瀉 桑白皮炒 木通 枳殼炒 檳榔 赤茯苓各五分

右薑水煎服

○防已散 治脾虛遍身浮腫腹脹喘足小便不利

防已三錢 桑白皮炒 紫蘇莖葉 赤茯苓各五分 木香二分

右用水煎服

○千金鯉魚湯 治妊娠腹大胎間有水氣

白朮五兩 茯苓四兩 當歸各三兩 芍藥各三兩

右先以小鯉魚一頭如食法煮取汁每汁二盞入藥伍錢薑七片橘皮少許煎七分空心服

○腎着湯 治妊娠腰脚腫

茯苓 白朮各八分 乾薑炮 甘草各一錢 杏仁五分 右用水煎

○五皮散 治胎水腫滿

大腹皮 桑白皮炒 生薑皮 茯苓皮 橘皮各一錢 木香二分

右用水煎服

治妊娠脚浮腫因脾衰血化成水用生料平胃散薑棗水煎服或為末用紫葉湯調下每服二錢

○全生白朮散 治妊娠面目浮虛四肢腫如水氣名曰胎氣名曰

胎腫

白朮一兩 生薑皮 大腹皮 陳皮 白茯苓各半兩

右各為末每服二錢米飲下

附方

○四君子湯 ○六君子湯

○補中益氣湯 三方見二十四卷第六論

○加味歸脾湯 ○加味逍遙散 二方見二十四卷第四論

○妊娠腹內鐘鳴方論第九

治妊婦腹內鳴用鼠窟中土為末入麝香酒調下二錢立愈或黃連濃煎汁母常理之一作當理之

愚按產寶云小兒在腹中哭其治法亦用空房中鼠穴土或黃連

煎濃飲之卽止想卽是症又云臍帶上疙瘕兒含口中因妊婦登  
高舉臂脫出兒口以此作聲令妊婦曲腰就地如拾物仍入兒口  
卽止然黃連性寒麝香開竅當酌量用之

○龔彥德孕癰方論第十

治孕癰用烏藥伍錢水一鍾煎七分入牛皮膠一兩煎化溫服或意  
苡仁煮汁飲之

愚按孕癰卽是腹內患癰用如前法不應宜用牡丹皮散或意苡

湯治驗見二  
十四卷

○姙娠不語方論第十一

孕婦不語不須服藥臨產月但服保生丸四物湯產下便語黃帝問  
曰人有重身九月而瘖何也岐伯對曰胞絡繫於腎腎脈貫繫舌本  
故不能言十月分娩後自爲之言也

愚按前症果內經窮理之言人有患此當調攝以需之不必驚畏  
而泛用藥也

○姙娠傷食方論第十二

經曰飲食自倍腸胃乃傷又云陰之所生本在五味陰之五宮傷在  
五味故姙娠傷食最難調治者

愚按東垣先生云脾胃之氣壯則過時而不饑多食而不傷蓋胃  
主司納脾主消化五臟之本也然食倍而傷者乃脾氣虛而不化  
也若投以峻劑則脾胃復傷而胎亦損矣當審其所因而調治之  
若飲食停滯或肚腹作痛用平胃散嘔吐惡心加枳殼砂仁吞酸  
噯腐加黃連三分吳茱萸二分腹滿泄瀉用六君子湯停滯肉食

言補婦人良方 十五卷  
核加山查停滯麵食倍加麥蘖停滯糯食用白酒麵末一味米食  
停滯倍加穀蘖魚腥所傷倍加陳皮傷辛熱之物加黃連傷性冷  
之物加砂仁木香如不應更加肉豆蔻補骨脂再不應四神丸  
若脾氣下陷用補中益氣湯凡噯覺藥氣且戒藥餌節飲食經云  
損其脾者調其飲食適其寒溫大凡脾胃虛弱飲食難化以白朮  
陳皮爲末等分陳麴糊丸常服最善枳朮丸但可漸用枳實峻厲  
能耗真氣治者慎之

附治驗

一妊娠因停食及枳朮丸胸腹不利飲食益少更服消導寬中之劑  
其胎下墜余謂此脾氣虛而不能承載也用補中益氣及六君子  
湯中氣漸健其胎漸安又用八珍湯加柴胡升麻調理而痊

○木香丸 治妊娠脾胃虛弱飲食不消肚腹膨脹或嘔吐泄瀉

木香二錢 白朮炒 人參 白茯苓各等分

右爲末麴糊丸棗豆大每服三四十九丸熟水下

○白朮散 治妊娠脾胃虛弱氣不調和飲食易傷

白朮炒 紫蘇各一兩 人參 白芷各三錢 川芎 訶子皮

青皮各半兩 甘草炒 用姜水煎服

附方

○平胃散 方見七卷第十八論

○補中益氣湯

○六君子湯 二方見二十四卷第六論

○四神丸 方見八卷第八論

○八珍湯

方見二十四卷第四論

○妊娠臟燥悲傷方論第十三

許學士云一婦無故數次悲泣是為臟燥用大棗湯而愈又程虎卿內妊娠五月慘感悲傷亦投大棗湯而愈

愚按前症或因寒水攻心或肺有風邪者治當審察

附治驗

一妊婦無故自悲用大棗湯二劑而愈後復患又用前湯佐以四君子加山梔而安

一妊婦悲哀煩躁其夫詢之云我無故但自欲悲耳用淡竹茹湯為主佐以八珍湯而安

○大棗湯

甘草三兩

小棗三兩

大棗十枚

鍾

右水六鍾煎三鍾分三服亦補脾氣

○淡竹茹湯

治妊娠心虛驚悸臟燥悲傷或作虛煩

麥門冬去心小麥

半夏湯炮各一錢五分人參

白茯苓各一錢

甘草五分

右薑棗并竹茹少許水煎

治胎臟燥悲哭用紅棗燒存性米飲調下

附方

○四君子湯

方見二十四卷第六論

○八珍湯

方見二十四卷第四論

婦人良方十五卷終

訂補婦人良方

十五卷

十一







